

晚晴移詩匯

晚晴移詩匯卷二十目錄

吳偉業 五十二首

龔鼎孳 三十九首

曹溶 二十一首

周亮工 二十一首

晚晴詩匯卷二十

徐世昌

吳偉業字駿公號梅村太倉人明崇禎辛未一甲二名  
進士歷官庶子福王時召拜少詹事入國朝授祕書

院侍講擢國子監祭酒有梅村集

錢牧齋曰捧持大集坐卧吟嘯如度大海久而得其  
津涉清詞麗句富有日新有事采劉者或能望洋而  
歎若其橫簇化工陶冶今古陽施陰設移步換形或  
歌或哭欲死欲生或半夜而啼或當餐而歎則非精  
求於杜韓二家吸取其神髓而飲助之以眉

山劍南斷斷乎不能窺其籬落識其阡陌也

沈歸愚曰梅村故國之思時時流露遺閭云故人往  
日燔妻子我因親在何敢死不意而今至於此又病  
中詞云故人慷慨多奇節為當年沈吟不斷草間偷  
活脫屣妻孥非易事竟一錢不值何須說讀者每哀

其志

詩話梅村年十四能屬文張西銘見而歎曰文章正  
印在此子矣遂受業西銘之門專治春秋熟於兩漢

書三國志晉書南北史作詩原本唐人涉宋以後  
一語古勝於律尤善歌行胎息初唐不囿於長慶陳  
卜子謂其詩似李頎又極稱其雒陽行一篇蓋集中  
最深厚之作他如臨江參軍遇南廂圍叟殿上行永  
和宮詞蕭史青門曲松山哀雁門尙書行臨淮老妓  
行楚雨生行團圓曲思陵長公主挽詩諸篇皆志在  
以詩爲史而事實舛誤及俗調浮詞亦所不免後來  
摹擬成派往往無病而呻令人齒冷甚至以委巷見  
聞形容宮掖謔言自喜雅道蕩然則非梅村所及料也

毛子晉齋中讀吳匏庵手鈔宋謝翱西臺慟哭記

扁舟訪奇書夜月南湖宿主人開東軒磊落三萬軸別度  
加收藏前賢矜手錄北堂學士鈔南宋遺民牘言過富春  
渚登望文山哭子陵留高臺西而滄江綠婦翁爲神仙天  
子共游學攜家就赤城高舉凌黃鶴尙笑君房癡甯甘子  
雲辱七里溪光清千仞松風謾廬陵赴急難幕府從羈僕  
運去須武侯君存卽文叔臣心誓勿諛漢祚憂難復昆陽

大雨風虎豹如蝟縮詭譎滹沱冰倉卒蕪亭粥所以恢黃  
圖無乃資赤伏卽今錢塘湖莫救厓山麓空坑戰士盡柴  
市孤臣戮一死之靡宅百身其奚贖龔生天天年翟公湛  
家族會稽處士星求死得亦足安能期故人共卧容加腹  
巢許而蕭曹遭遇全高躅文山竟以殉趙社終爲屋海上  
悲田橫國中痛王蠋門人蒿里歌故吏平陵曲彼存君臣  
義此制朋友服相國誠知人舉事何顛蹙丈夫失時命無  
以辭碌碌看君書一編俾我愁千斛禹績荒煙霞越臺走  
麋鹿不圖疊山傳再向嚴灘續配食從方干豐碑繼梅福  
主人更命酒哀吟同擊筑四坐皆涕零霜風激羣木嗟乎  
誠義士已矣不忍讀

閬州行

四坐且勿喧聽我歌閩州閩州天下勝十二錦屏樓歌舞  
巴渝盛江山士女游我有同年翁閩州舊鄉縣送客蒼溪  
船讀書玉臺觀忽乘相如車謂受文翁薦游宦非不歸十  
載成都亂只君爲愛子相思不相見相見隔長安干戈徒  
步難金牛盤七坂鐵馬斷千山敢辭道路艱早向妻兒訣  
一身上烏道全家傍虎穴君自爲尊章豈得顧妻子分攜  
各努力妾當爲君死淒淒復切切苦語不能答好寄武昌  
書莫買秦淮妾巴水急若箭巴船去如葉兩岸蒼崖高孤  
帆望中沒二月到漢口三月下揚州揚州花月地烽火似  
邊頭驛路逢老親遷官向閩越謂逼公車期蚤看長安月  
再拜不忍去趣使嚴裝發河山一朝異復作他鄉別別後  
竟何如飄零少定居愁中鄉信斷不敢望來書盡道是葭

萌殺人滿川陸積屍峨嵋平千村惟鬼哭客有自秦關傳  
言且悲喜來時聞君婦貞心視江水江水流不極猿聲哀  
豈聞將書封斷指血淚染羅裙五內爲崩摧買舟急迎取  
相逢惟一慟不料吾見汝拭眼問舅姑雲山復何處淚盡  
日南天死生不相遇汝有親弟兄提攜思共濟姊妹四五  
人扶持結衣袂懷裏孤雛癡啼呼不知避失散蒼皇間骨  
肉都拋棄悠悠彼蒼天於人抑何酷城中十萬戶白骨滿  
崖谷官軍收成都千里見榛莽設官尹猿猱半以飼豺虎  
尙道是閬州此地差安堵民少官則多莫卹蜀人苦淒涼  
漢祖廟寂寞滕王臺子規叫夜月城郭生蒿萊只有嘉陵  
江江聲自浩浩我欲竟此曲流涕不復道

礬清湖

吾宗老孫子住在礬清湖湖水清且漣其地皆膏腴隄栽  
百株柳池種千石魚教僮數鵝鳴遶屋開芙蓉有書足以  
讀有酒易以沽終老寡送迎頭髮可不梳相傳范少伯三  
徙由中吳一舸從此去在理或不誣嗟予遇兵火百口如  
飛鳧避地何所投扁舟指菰蒲北風晚正急煙港生模糊  
船小吹雨來衣薄無朝餽前村似將近路轉忽又無倉皇  
值漁火欲問心已孤俄見葭菼邊主人出門呼開柵引我  
船掃室容我徒我家兩衰親上奉高堂姑艱難總頭白動  
止需人扶妻妾病伶仃嘔吐當中途長女僅九齡餘泣猶  
呱呱入君所居室燈火映窗疏寬開分數寢嬉笑喧諸雛  
縛帚東西廂行李安從奴前窗張罌網後壁掛耒耨苦辭  
村地僻客舍無精麤翦葑烹伏雌斫鱸炊彫牀頭出濁



醪人倦消幾壺睡起日已高曉色開煙蕪漁灣一兩家點  
染江村圖沙嘴何人舟消息傳姑蘇或云江州下不比揚  
州屠早晚安集掾鞍馬來南都或云移民房插箭下嚴符  
囊橐歸他人婦女充軍俘里老獨晏然催辦今年租餼咩  
看賽社釀飲聽呼盧軍馬總不來里巷相爲娛而我游其  
間坦腹行徐徐見人盡恭敬不識誰賢愚魚蝦盈小市鳧  
雁充中廚月出浮溪光萬象疑沾濡放楫凌滄浪笑弄驪  
龍珠夷猶發浩唱禮法胡能拘東南雖板蕩此地其黃虞  
世事有反覆變亂興須臾草草十數人盟歆起里閭兔園  
一老生自詭讀穰苴漁翁爭坐席有力爲專諸舴艋飾於  
皇蓑笠裝犀渠大笑擲釣竿赤手搏於菟欲奪夫差宮坐  
擁專城居予又出子門十步九崎嶇脫身白刃間性命輕

錙銖我去子亦行後各還其廬官軍雖屢到尙未成邱墟  
生涯免溝壑身計謀樵漁買得百畝田從子游長沮天意  
不我從世網將人驅親朋盡追送涕泣登征車吾生罹干  
戈猶與骨肉俱一官受逼迫萬事堪歎歎倦策旣歸來入  
室翻次且念我平生人慘憺留羅襦秋雨君叩門一見驚  
清癯我苦不必言但坐觀髭鬚歲月曾幾何筋力遠不如  
遭亂若此衰豈得勝奔趨十年顧妻子心力都成虛分雖  
有定分久暫理不殊翻笑危急時奔走徒區區君時聽我  
語顏色慘不舒亂世畏盛名薄俗容小儒生來遠朝市謂  
足逃沮洳長官誅求急姓氏屬里胥夜半聞叩門瓶盎少  
所儲豈不惜堂構其奈愁征輸庭樹好追涼翦伐存枯株  
池荷久不開歲久填泥淤廢宅鋤爲田薺麥生階除當時

棲息地零落今無餘生還愛節物高會逢茱萸好採籬下  
菊且讀囊中書中懷苟自得外物非吾須君觀鴟夷子眷  
戀傾城姝千金亦偶然奚足稱陶朱不如棄家去漁釣山  
之隅江湖至廣大何惜安微軀揮手謝時輩慎勿空躊躇  
偕穆苑先孫浣心葉子聞允文游石公山盤龍石梁

寂光歸雲諸勝

大道無端倪眞宰有融結茲山在天壤靈異蓄不泄萬竅  
凌虛無一柱支毫末疑豈愚公移愁爲巨靈拔劉根作堂  
奧柳毅司扁鑄誰啟仙人間繫我漁父柁刻鏤洪濛雲雕  
搜大荒雪或人而疴癯或馬而蹄齧或負藏壑舟或截專  
車節或象神鼎鑄或類昆吾切地肺庖丁解月窟工倕伐  
石圉封餽糧天厨鬻涓潔重隄累甌甌短柱增櫨椽瓜瓢

觚稜剖木皮槎枿裂皚皚黃河水炎炎崑岡蕪嶺呀舞辟  
邪談聃張饗饗斗起聳雲關一道通箭筈碧藕玲瓏根文  
螺宛委穴丹梯躡而上鬱鬱虛皇闕突兀撐青旻插地屏  
障列一身生羽翰百尺跨虹蜺斷澗吟楓栴颯爽侵毛髮  
側窺漏日影了了澄潭澈雞聲出煙井乃與人境接迴思  
頃所歷過眼纔一瞥秦皇及漢武好大同蠓蟻齊諧不能  
志炙輠不能說鄴桑二小儒註書事抄撮陋襲李斯碑闕  
補周王碣關仝亦妙手惜未適吳越嵩華雖云高無以鬪  
巧拙時俗趁姿媚煙巒漫塗抹妄使僮父輩笑我驕蟻垤  
京江吸金焦漢水注大別流峙合而匯奇氣乃一發睥睨  
五嶽間誰與分優劣扶杖一村翁眼看話年月昔逢猶兒  
童今見已耄耄昨聞縣帖下搜索到魚鯨訝彼白鼉逃無

乃青草竭却留幽境在似爲肥遯設當年綺里季卜居採  
薇蕨皓首走漢廷恨未與世絕若隨靈威去此處攬藤葛  
子房知難致欲薦且捫舌浮生每連蜷塵界儘空闊謀免  
妻孥愁計取山水悅入春桃李過韶景聽啼鳩籃輿累親  
舊同載有二葉穆生老而健孫郎才且傑彼忘筋力勞我  
愛賓朋挈過湖曳輕帆入寺憇深樾老僧諧語笑妙理攻  
麴蘖曉起陳盤餐飽食非羸羸桑畦路宛宛筍屨行兀兀  
快意在此游失記遺七八平湖鋪若茵盤石幾人歌蹲踞  
當其旁拒戶相支遏黝黑聲旬稜欲進遭嗔喝側肩僅容  
趾腹背供磨軋下踰薜磴牢上覩崩崖豁攀躋差毫釐失  
足憂一蹶前奇慕先過後險欣乍脫歌呼雜韶穉嘻笑視  
履襪君看長安道高步多蹉跌散誕來江湖蒲伏羞干謁

頭因石文低腰向山靈折四月將已近天時早炎熱揮汗  
何沾濡驚飈俄凜冽歸來北窗枕響入山溜澈不寐話夜  
涼連牀擁裘褐晚歲艱出門端居意騷屑閒踪習羈旅逸  
興貪放達跌蕩馮夷官游戲天吳窟將毋神鬼怒亟遣風  
雨奪勝事滿現前得失歸勇怯衰老偕故人幸喜茲游決  
他年子胥濤百里聞咤咄鱸鮑隨風雷頸鎖金牛掣鮫人  
拭牀几神女洗環玦碾磕打空灘澎湃濺飛沫噲咄無射  
鐘噤噤蕤賓鐵孤客爲旁皇嫠婦爲悽咽那知捩柁下我  
輩行車轍再拜告石公相逢慰饑渴旣從人間世忍再洪  
波沒志怪作大言嗜奇私神物肯學楊馬鑄願受壺公訣  
縮之入懷袖弄之置盆鉢栽松龍氣上蓄水雲根活長留  
文士玩勿被山君竊嘗聞响嘖峯科斗尊往牒剝蝕存盤

螭捫索嗟完缺此山通巴陵下有神禹札後代文字衰致  
起龍蛇孽我有琅玕管上灑湘娥血濯足臨滄浪浩思吟  
不輟未堪追陽冰猶足誇李渤隱從煙霞閉出供時世閱  
刻之藏書巖千載應不滅

雒陽行

詔書早洗雒陽塵叔父如王有幾人先帝玉符分愛子西  
京銅狄泣王孫白頭宮監鋤荆棘曾在華清內承直遭亂  
城頭烏夜啼四十年來事堪憶神皇倚瑟楚歌時百子池  
邊嫋柳絲早見鴻飛四海翼可憐花發萬年枝銅扉未啟  
牽衣諫銀箭初殘淚如霰幾年不省公車章從來數罷昭  
陽宴骨肉終全異母恩功名徒付上書人貴疆無取諸侯  
相調護何關老大臣萬歲千秋相訣絕青雀投懷玉魚別

昭邱煙草自蒼茫，湯殿香泉暗鳴咽。析圭分土上東門，寶  
轂雕輪九陌塵。驪山西去辭溫室，渭水東流別任城。少室  
峯頭寫桐漆，靈光殿就張琴瑟。願王保此黃髮期，誰料遭  
逢黑山賊。嗟乎龍種誠足憐，母愛子抱非徒然。江夏漫裁  
修柏賦，東阿徒詠豆萁篇。我朝家法踰前制，兩宮父子無  
遺議。廷論繇來責佞夫，國恩自是優如意。萬家湯沐啟周  
京，千騎旌旗給羽林。總爲先朝憐白象，豈知今日誤黃巾。  
鄒枚客館傷狐兔，燕趙歌樓散煙霧。茂陵西築望思臺，月  
落青楓不知路。今皇興念總惟哀，流涕黃封手自裁。殿內  
遂停三部伎，宮中爲設八關齋。束薪流水王人戍，太牢加  
璧通侯祭帝子。魂歸南浦雲玉妃，淚灑東平樹北風。吹雨  
故宮寒，重見新王受詔還。惟有千尋舊松栝，照人落落嵩



高山

三松老人歌

三松老人七十一，箬帽棕鞋神奕奕。座上支頤避世翁，少年走馬長安客。長安此日車如風，十人五人衣衫同賣術。黃銀殷七七，擲箏翠袖張紅紅。西苑樓臺飛百尺，洛陽買人進花石。宣政門開候賜錢，杜陵日暮分曹奔。大編十丈封黃羅，彊環一寸如清臚。織罽先呈尙衣局，飾璫共宴賣珠胡。二月高粱走燕丸，小兒緣撞女射柳。馬客虬鬚笑繫鞭，蛾姬輔靨呼嘗酒。賀老琵琶李暮笛，興慶樓前初下直。曲曲新聲我輩聞，五侯宣索知何及。玉河歸騎景陽鐘，曳縞乘肥勝日中。醉值金吾爭道過，將軍司隸與錢通。二十年來重到此，不見當年游俠子。南陌朝催問架錢，西山夜

拾回中矢老夫獲落復何求寒笛江潭獨倚樓一身結客  
半天下萬里歸來空白頭

聽女道士卞玉京彈琴歌

鴛鴦逢天風北向驚飛鳴飛鳴入夜急偶聽彈琴聲借問  
彈者誰云是當年卞玉京玉京與我南中遇家近大功坊  
底路小院青樓大道邊對門却是中山住中山有女嬌無  
雙清眸皓齒垂明璫曾因內宴直歌舞坐中瞥見塗鴉黃  
問年十六尙未嫁知音識曲彈清商歸來女伴洗紅妝在  
將絕技矜平康如此纔足當侯王萬事倉皇在南渡大家  
幾日能枝梧詔書忽下選蛾眉細馬輕車不知數中山好  
女光徘徊一時粉黛無人顧豔色知爲天下傳高門愁被  
旁人如盡道當前黃屋尊誰知轉盼紅顏誤南內方看起

桂宮北兵早報臨瓜步聞道君王走玉驄  
犢車不用聘昭容幸遲身入陳宮裏却早名  
填代籍中依稀記得祁與阮同時亦中三宮  
選可憐俱未識君王軍府抄名被驅遣漫詠  
臨春瓊樹篇玉顏零落委花鈿當時錯怨韓  
擒虎張孔承恩已十年但教一日見天子玉兒  
甘爲東昏死羊車望幸阿誰知青塚淒涼竟  
如此我向花間拂素琴一彈三歎爲傷心暗  
將別鵠離鸞引寫入悲風怨雨吟昨夜城頭  
吹篳篥教坊也被傳呼急碧玉班中怕點留  
樂營門外盧家泣私更裝束出江邊恰遇丹  
陽下渚船翦就黃纒貪入道攜來綠綺訴嬋  
娟此地絲來盛歌舞子弟三班十番鼓月明  
絃索更無聲山塘寂寞遭兵苦十年同伴兩  
三人沙董朱顏盡黃土貴戚深閨陌上塵吾  
輩漂零何足數坐客聞

言起歎嗟江山蕭瑟隱悲笳莫將蔡女邊頭曲落盡吳王苑裏花

後東臯草堂歌

君家東臯枕山麓百頃流泉浸花竹石田書畫數百卷酷嗜平生手藏錄隱囊塵尾寄蕭齋鴻鵠高飛鷹隼猜白社青山舊居在黃門北寺捕車來有詔憐君放君去重到故鄉棲隱處短策仍看屋後山扁舟却繫門前樹此時鉤黨雖縱橫終是君王折檻臣放逐縱緣當事意江湖還賴主人恩一朝龍去辭鄉國萬里烽煙歸未得可憐雙戟中丞家門帖淒涼題賣宅有子單居持戶難呼門吏怒索家錢窮搜廢篋應無計棄擲城南五尺山任移花藥鄰家植未翦松杉僧舍得漁舟網集習家池官道人牽到公石石礎

雖留不記亭榭籬還在半無門欹橋已斷眠僵柳醉壁誰  
扶倚瘦籬尚有荒祠叢廢棘豐碑草沒猶堪識階前田父  
早歌呼陌上行人增歎息我初扶杖過君家開尊九月逢  
黃花秋日溪山好圖畫石田真跡深咨嗟傳聞此圖再易  
主同時賓客知存幾又見溪山改舊觀雕欄碧檻今已矣  
搖落深知宋玉愁衡陽雁斷楚天秋斜暉有恨家何在極  
浦無言水自流我來草堂何處宿挑鐙夜把長歌續十年  
舊事總成悲再賦閒愁不堪讀魏寢梁園事已空杜鵑寂  
寞怨西風平泉獨樂荒榛裏寒雨孤村聽暝鐘

圓圓曲

鼎湖當日棄人間破敵收京下玉關慟哭六軍俱縞素衝  
冠一怒爲紅顏紅顏流落非吾戀逆賊天亡自荒讎電掃

黃巾定黑山哭罷君親再相見相見初經田竇家侯門歌舞出如花許將戚里篋伎等取將軍油壁車家本姑蘇浣花里圓圓小字嬌羅綺夢向夫差苑裏游宮娥擁入君王起前身合是採蓮人門前一片橫塘水橫塘雙槳去如飛何處豪家強載歸此際豈知非薄命此時只有淚沾衣薰天意氣連宮掖明眸皓齒無人惜奪歸永巷閉良家教就新聲傾坐客坐客飛觴紅日暮一曲哀絃向誰訴白哲通侯最少年揀取花枝屢迴顧早攜嬌鳥出樊籠待得銀河幾時渡恨殺軍書底死催苦留後約將人誤相約恩深相見難一朝蟻賊滿長安可憐思婦樓頭柳認作天邊粉絮看遍索綠珠圍內第強呼絳樹出雕欄若非壯士全師勝爭得蛾眉匹馬還蛾眉馬上傳呼進雲鬢不整驚魂定

蠟炬迎來在戰場啼妝滿面殘紅印專征簫鼓向秦川金  
半道上車千乘斜谷雲深起畫樓散關月落開妝鏡傳來  
消息滿江鄉烏相紅經十度霜教曲妓師憐尚在浣紗女  
伴憶同行舊巢共是銜泥燕飛上枝頭變鳳凰長向尊前  
悲老大有入夫婿擅侯王當時祇受聲名累貴戚名豪競  
延致一斛明珠萬斛愁關山漂泊腰肢細錯怨狂風颺落  
花無邊春色來天地常聞傾國與傾城翻使周郎受重名  
妻子豈應關大計英雄無奈是多情全家白骨成灰土一  
代紅妝照汗青君不見館娃初起鴛鴦宿越女如花看不  
足香逕塵生烏自啼屨廊人去苔空綠換羽移宮萬里愁  
珠歌翠舞古梁州爲君別唱吳宮曲漢水東南日夜流

曇陽觀訪文學博介石兼讀蒼雪師舊跡有感

先生頭白髮垂耳博士無官家萬里講席漂零笠澤雲鄉  
心斷絕昆明水南來道者爲蒼公說經如虎詩如龍大渡  
河頭洗白足一枝椰栗樓中峯與君相見砉然笑石牀對  
語驛愁空故園西境接身毒雪山照耀流沙通神僧大儒  
却並出雕題久矣漸華風嗚呼銅鼓鳴莊躡起青草湖邊  
築營壘金馬碧雞悵已矣人言堯幽囚或言舜野死目斷  
蒼梧淚不止吾州城南祠仙子窈窕丹青映圖史玉棺上  
天人不見遺骨千年蛻於此先生結茅居其傍歸不歸兮  
思故鄉盡道長沙軍已得滇池王伏波南下開夜郎烏爨  
孤城猶屈強青蛉絕塞終微茫忽得山中書蒼公早化去  
支遁經臺樹隕花文翁書屋風飄絮噫嘻乎悲哉香象歸  
何處杜宇啼偏哀月明夢落枕椰臺丈夫行年已七十天



涯戎馬知何日點蒼青洱海白道路雖開亦無及

吾谷行

吾谷千章萬章木插石緣溪秀林麓中有雙株向背生並  
榦交柯互蟠曲一株天矯面東風上拂青雲宿黃鵠黃鵠  
引吭鳴一聲響入瑤花飛簌簌一株偃蹇踞陰崖半死半  
生遭屈辱雷劈燒痕翠鬣焦雨垂漏滴蒼皮縮泥崩石斷  
迸枯根鼠竄蟲穿隱空腹行人過此盡彷徨日暮驅車不  
能速前山路轉相公墳宰木參差亂入雲枝上子規啼碧  
血道傍少婦泣羅裙羅裙碧血招魂哭寡鵠羈雌不忍聞  
同伴幾家逢下淚羨他夫婿尙從軍可憐吾谷天邊樹猶  
有相逢斷腸處得免倉皇翦伐愁敢辭漂泊風霜懼木葉  
山頭雪正飛行人十月遼陽戍兄在長安弟玉關摘葉攀

條不能去昨宵有客大都來傳道君王幸漸臺便殿含毫  
題詔濕閣門走馬報花開宮槐聽取從官詠御柳催成應  
制才定有春風到吾谷故園不用憂樵牧雖遇彫枯墜葉  
黃恰逢滋茂攢條綠繇來榮落總何常莫向干門羨棟梁  
君不見庾信傷心枯樹賦縱吟風月是他鄉

遣悶

秋風泠泠蛩唧唧中夜起坐長太息我初避兵去城邑田  
野相逢半親識扁舟遇雨煙村出白版溪門主人立雞黍  
開尊笑延入手持釣竿前拜揖十載鄉園變蕭瑟父老誅  
求窮到骨一朝戎馬生倉卒婦人抱子草間匿津亭無船  
渡不得仰視烏鵲營其巢天邊矰繳猶能逃我獨何爲委  
蓬蒿搔首回望明星高

雞旣鳴矣升高堂問我消息來何方欲語不語心彷徨當年奔走雖茫茫兩親筋力支風霜上有王母方安康下有新婦相扶將小妹中夜縫衣裳百口共到南湖莊只今零落將誰望出門一步紛蝴蝶十人五人委道傍去鄉五載重相見江湖到處逢征戰一家未遂昇平願百年那得長貧賤

人生豈不繇時命萬事憂愁感雙鬢兄弟三人我衰病齒牙落盡誰能信疇昔文章傾萬乘道傍爭欲知名姓中年讀易甘肥遞歸來擬展雲山興赤城黃海東南勝故園烽火憂三徑京江戰骨無人問愁吟獨向南樓凭風塵咫尺何時定故人往日燔妻子我因親在何敢死憔悴而合困於此欲往從之愧青史

生男歡喜生女憐嗟我無子誰尤天傷心七女盡亡母嗷  
嗷乳燕枝難安一女血淚啼闌干舅姑嶺表無書傳一女  
家破歸間關良人在北愁戍邊更有一女憂烽煙圍城六  
月江風寒使我念此增辛酸其餘鎧下行差肩見人悲歎  
殊無端攜手游戲盈牀前相思夜闌更翦燭嚴城鼓聲振  
林木眾雛怖向牀頭伏搖手禁之不敢哭

舍南春水成清渠其上高柳三五株草閣窈窕花扶疏園  
有菜茹池有魚蓬頭奴子推鹿車藝瓜既熟分里閭忽聞  
兵馬來城隅南翁北叟當窗趨我把耒鋤心躊躇問言不  
答將無愚老大無成灌蔬壤暫息干戈竊偃仰舍之出門  
更何往手種松杉已成長

白頭儒生良自苦獨抱陳編住環堵身歷燕南遍齊魯靡

挈漆經觀石鼓上探商周過三五矻矻窮年竟奚補岫嶺  
山頭祝融火百王遺文棄如土馬矢高於矍相圃箋釋蟲  
魚付榛莽寓言何必齊莊周屬辭何必通春秋一字不向  
人間留亂離已矣吾無憂

京江送遠圖歌

京江流水清如玉楊柳千條萬條綠畫舫勞勞送客亭勾  
吳人去官巴蜀巴蜀東南夾道開夷半山下居民屋諸葛  
城懸斷棧邊李冰路鑿顛崖腹不知置郡始何年卽敘西  
戎啟荒服吾祖先朝事孝宗清郎遠作蠻方牧家世流傳  
饑別圖知交姓字摩挲讀先達鄉邦重文沈太僕絲蘿共  
華省徵仲當時尙少年後來詞翰臻能品師承父執石田  
翁婉致姻親書畫請相城高卧灑雲煙話到相知因笑肯

太守嚴程五馬裝山人尺素雙江景草色官橋從騎行花  
 時祖帳離尊飲碧樹遙遙別袂情青山疊疊征帆影首簡  
 能書枝指生揮毫定值殘醅醒狂草平生見儘多愛看楷  
 法藏鋒緊徵仲關心畫後題石田句把前賢引杜老曾遊  
 擘荔支涪翁有味嘗苦筍唐戎州宋紹聖四年始改為敘  
 杜子美客遊詩有輕紅擘荔支  
 之句黃山谷貶官作筍賦言苦而有此  
 味官況似之故石田短歌引此相贈地居然風土佳丈  
 人仕宦堪高枕嗚呼孝宗之世真成康相逢骨肉遊羲皇  
 瞿塘劍閣失險阻出門萬里皆康莊雖為邊郡二千石經  
 過黑水臨青羌羗牛徼外無傳埃鐵鎖江頭弗置防去國  
 豈愁親故遠還家詎使鬢毛蒼吾吳儒雅傾當代石田既  
 沒風流在待詔聲華晚更邁枝山放達長無害歲月悠悠  
 習俗非江鄉禮數歸時態縱有丹青老輩存故家興會知

難再京口千帆估客船  
金焦依舊青如黛  
巫峽巫山慘愴  
風此州迢遞浮雲礙  
正使何人送別離  
登高腸斷烏蠻塞  
衰白嗟余老祕書  
先人名德從頭載  
廢楮殘縑發浩歌  
一天詩思江山外

雁門尙書行

雁門尙書受專征  
登壇顧盼三軍驚  
身長八尺左右射  
坐  
上咄咤風雲生  
家居絕塞募死士  
一日費盡千黃金  
讀書  
致身取將相關西  
鼠子方縱橫  
長安城頭揮羽扇  
卧甲韜  
弓不忘戰持重能  
收壯士心  
沈幾好待兇徒變  
忽傳使者  
上都來  
夜半星馳馬流汗  
覆轍甯堪似往年  
催軍還用松  
山箭尙書得詔初  
沈吟蹶起橫  
刀忽長歎  
我今不死非英  
雄  
古來得失誰由算  
椎牛誓眾出潼關  
墟落蕭條轉餉難

六月炎蒸驅萬馬二嶠風雨斷千山雄心慷慨宵飛檄殺  
氣憑陵老據鞍掃籜謀成頻撫劍量沙力盡爲傳餐尙書  
戰敗追兵急退守巖關收潰卒此地乘高足萬全只今天  
險嗟何及蟻聚蜂屯已入城持矛瞋目呼狂賊戰馬嘶鳴  
失主歸橫尸撐距無能識烏鳶啄肉北風寒寡鵠孤鸞不  
忍看願逐相公忠義死一門恨血土花斑故園有子音書  
絕勾注烽煙路百盤欲走雲中穿紫塞別尋奇道訪長安  
長安到日添悲哽爾足荆榛見胥井輓轡繩斷野苔生幾  
尺枯泉浸形影永夜曾歸風露清經秋不化冰霜冷二女  
何年駕碧鸞七姬無塚埋紅粉複壁藏兒定有無破巢窠  
鳥問將雛時來作使千兵勢運去流離六尺孤傍人指點  
牽衣袂相看一慟真吾弟訣絕難爲老母心護持始識遺



民意回首潼關廢壘高知公於此葬蓬蒿沙沈白骨魂應  
在雨洗金瘡恨未消渭水無情自東去殘鴉落日藍田樹  
青史誰人哭蘇碑赤眉銅馬知何處嗚呼材官鐵騎看如  
雲不降卽走徒紛紛尙書養士三十載一時同死何無人  
至今惟說喬參軍

雕橋莊歌

常山古槐千尺起雕橋西畔尙書里偃蓋青披大茂雲扶  
疏響拂韓河水水部山莊遶碧渠彈琴長嘯修篁裏今年  
相見在長安據鞍却笑吾衰矣盡道新枝任棟梁不知老  
榦經風雨自言年少西韓生幽并豪俠皆知名酒酣箕踞  
聽鼓瑟射麋擊兔邯鄲城天生奇質難自棄一朝折節傾  
公卿當時海內推高邑趙公簡重稱相得才地能交大父

行襟期雅負名賢識公會過我讀書處笑倚南樓指庭樹  
歸田太宰昔同游廿載林泉共來去此是君恩優老臣後  
來吾輩應難遇每思此語輒泣然知己投荒絕塞天同是  
豕臣恩數異傷心非復定陵年黃巾從此成貽禍青史誰  
來問斷編鉤黨幾家傳舊業干戈何地著平泉我有山莊  
幸如故老樹吟風自朝暮磐石甯容蟲蟻穿斧斤不受樵  
蘇誤鈴索高齋擁賜書名花異果雕欄護綠葍紅蕖水面  
開門前卽是鳴驕路子弟傳呼千騎歸不教鞍馬驚鷗鷺  
年年細柳與新蒲妝點溪山入畫圖四海烽煙喬木在一  
窗燈火故人無相逢只有江南客頭白尊前伴老夫

海戶曲

南海子周圍一百六十里有海戶千人

大紅門前逢海戶衣食年年守環堵收藁腰鎌拜嗇夫築

場貰酒從樵父不知占籍始何年家近龍池海眼穿七十  
二泉長不竭御溝春暖日涓涓平疇如掌催東作水田漠  
漠江南樂鴛鴦鷺鷥滿煙汀不枉人呼飛放泊後湖相望  
築三山兩地神州咫尺間遂使相如誇陸海肯教王母笑  
桑田蓬萊樓閣雲霞變晾鷹臺上何王殿傳說新羅玉海  
青星眸雪爪飛如練詐馬筵開捫酒香割鮮夜飲仁虞院  
二百年來話大都平生有眼何曾見頭白經過是舊朝春  
深慣鎖黃山苑典守唯聞中使來樵蘇輒假貧民便芳林  
別館百花殘廿四園中爛漫看記得尙方初薦品東風鈴  
索護雕欄葡萄滿摘傾筠籠蘋果新嘗捧玉盤賜出宮中  
公主謝分遺闕下侍臣餐一朝翦伐生荆杞五柞長楊悵  
已矣野火風吹螞蟻墳枯楊月落蝦蟇水盡道千年苑囿

非忽驚萬乘車塵起雄圖開國馬蹄勞將相風雲劍架高  
帳殿行城三十里旌旗獵獵響鳴鞘朝鮮使者奇毛進白  
鷹刷羽霜天勁舊跡凌歊好放鵬荒臺百尺登臨勝俊鶻  
重經此地飛墨河講武當年盛弔古難忘百戰心掃空雉  
兔江山淨新豐野老驚心目縛落編籬守麋鹿兵火摧殘  
淚滿衣昇平再覩修茅屋衰草今成御宿圍豫游只少千  
章木上林丞尉已連催灑掃離宮補花竹人生陵谷不須  
哀蘆葦陂塘雁影來君不見鄆杜西風蕭瑟裏丹青早起  
濯龍臺

過姜給事如農

侍從知名早蕭條淮海東思親當道梗哭弟在途窮骨肉  
悲歌裏君臣信史中翩翩同榜客相對作衰翁

喜願雲師從廬山歸

願師住雲居十年而歸出其匡廬詩道五老石門九奇三疊諸

勝飛泉怪瀑不可思議而尤以御碑亭雲海爲第一觀竟似住鏡光白銀二種世界不知滄桑浮塵爲何等事矣願公贈予五十初度詩其落句曰半百定將前業踐取期對坐聽松聲蓋責予前約會時方喪亂衰病無家願以高堂垂白不能隨師以去也乃爲此詩答之

勝絕觀心處天風萬壑聲石門千鏡入雲海一身輕出世  
悲時事忘情念友生亂離兄弟恨辜負十年盟

懷楊機部軍前

同時遷吏獨從征人道戎旃譴責輕諸將自承中尉令孤  
臣誰給羽林兵憂深平勃軍南北疏訟甘陳誼死生猶有  
內讒君不顧亦知無語學公卿

送楊鳧岫

蕭瑟江湖逐客船亂離兄弟夕陽邊蕪城是處逢寒食苦

葉如人渡汝川回首風塵生杞棘傷心贈嫩在鷹鷂曾經  
召見多封事一病猶緣明主憐

江樓別幼弟孚令

野色滄江思不窮登臨傑閣倚虛空雲山兩岸傷心裏雨  
雪孤城淚眼中病後生涯同落木亂來身計逐飄蓬天涯  
兄弟分攜苦明日扁舟聽曉風

揚州

盡領通侯位上卿三分淮蔡各專征東來處仲無他志北  
去深源有盛名江左衣冠先解體京西豪傑竟投兵只今  
八月觀濤處浪打新塘戰鼓聲

將至京師寄當事諸老

柴門秋色草蕭蕭幕府驚傳折簡招敢向煙霞堅笑傲卻

貪畊鑿久逍遙楊彪病後稱遺老周黨歸來話聖朝自是  
璽書修盛舉此身只合伴漁樵

莫嗟野老倦沉淪領略青山未是貧一自弓旌來退谷苦  
將行李累衰親田因買馬頻書券屋爲牽船少結鄰今日  
巢出車下拜淒涼詩卷乞閒身

匹馬天街對落暉蕭條白髮悵誰依北門待詔賓朋盛東  
觀趨朝故舊稀雪滿關河書未到月斜宮闕雁還飛赤松  
本是留侯志早放商山四老歸

平生蹤跡儘繇天世事浮名總棄捐不召豈能逃聖代無  
官敢卽傲高眠匹夫志在何難奪君相恩深自見憐記送  
鐵崖詩句好白衣宣至白衣還

恭紀 駕幸南海子遇雪大獵

君王羽獵近長安龍雀刀環七寶鞍立馬山川千騎擁賜  
錢父老萬人看霜林白鹿開金彈春酒黃羊進玉盤不向  
回中逢大雪無因知道外邊寒

朝日壇

曉日瞳矓萬象鋪六龍銜燭下平蕪石壇燿火燔玄牡露  
掌華漿飲渴烏不夜城傳宣夜漏玉宮朝奉竹宮符卽今  
東汜西崑處盡入銅壺倒景殊

懷王奉常煙客

把君詩卷問南鴻憔悴看成六十翁老去祇應添鬢雪愁  
來那得愈頭風田園蕪沒支笻懶書畫蕭條隱几空猶喜  
梅花開遶屋臘醅初熟草堂中

哭蒼雪



憶昔穿雲到上方，飛泉夾路筍興忙。孤松半榻霜顛白，清磬一聲山葉黃。得道好窮詩正變，觀心難遣世興亡。汰公塔在今同傳，無著天親共影堂。汰如住華山，與師爲法侶，最相得，滅度已十六載矣。說法中峯語句真，滄桑閱盡賸閑身。宗風實處都成教，慧業通來不礙塵。白社老應空世想，青山我自哭詩人。總教落得江南夢，萬樹梅花孰比鄰。

贈遼左故人

詔書切責罷三公，千里驅車向大東。曾募流移畊塞下，豈遷豪傑實關中。桑麻亭障行人斷，松杏山河戰骨空。此去纍臣聞鬼哭，可無杯酒酌西風。

短轅一哭暮雲低，雪窖冰天路慘悽。青史幾年朝玉馬，白頭何日放金雞。燕支塞遠春難到，木葉山高鳥亂啼。百口

總行君莫歎免教少婦憶遼西

潦倒南冠顧影慚殘生得失讖瞿曇君恩未許誇前席世  
路誰能脫左驂雁去雁來空塞北花開花落自江南可憐  
庾信多才思關隴鄉心已不堪

浮生蹤跡總茫然兩拜中書再徙邊儘有溫湯堪療疾恰  
逢靈藥可延年垂來文鼠裝綿暖射得寒魚入饌鮮只少  
江南好春色孤山梅樹罨溪船

路出河西望八城保宮老母淚縱橫重圍屢困孤身在垂  
死翻悲絕塞行盡室可憐逢將吏生兒真悔作公卿蕭蕭  
夜半立菟月鶴淚歸來夢不成

齊女門前萬里臺傷心砧杵北風哀一官悞汝高門累半  
子憐渠快婿才失母况經關塞別從夫只好夢魂來摩挲

老眼千行淚望斷寒雲凍不開

觀蜀鵬啼劇有感

邱子嶼雪爲吾兄  
成都合志衍作

花發春江望眼空  
杜鵑聲切畫簾通  
親朋形影鏡前月  
家國音書笛裏風  
百口悔教從鳥道  
一官催去墮蠶叢  
雪山盜賊今何處  
腸斷箜篌曲未終

江關蕭瑟片帆留  
策馬俄成萬里游  
失計未能全愛子  
端居何用覓封侯  
雲山已斷中宵夢  
絃管猶開舊日樓  
二月東風吹水調  
鶺鴒原上使人愁

平生兄弟劇流連  
高會南樓盡少年  
往事酒杯來夢裏  
新聲歌板出花前  
青城道士看遊戲  
白髮衰翁漫放顛  
雙淚正垂俄一笑  
認君眞已作神仙

劇中志衍  
兵解仙去

過盡蠻江與瘴河  
還家有弟脫兵戈  
狂從劇孟千場博  
老

愛優旃一曲歌紅豆花開聲宛轉綠楊枝動舞婆娑不堪  
唱徹關山調血汗游魂可奈何

思陵長公主輓詩

貴主徽音美前朝典命光鴻名垂遠近哀誄著興亡託體  
皇枝貴承休聖善祥母儀惟謹肅家法在矜莊上苑穠桃  
李瑤池小鳳凰鸞音青繡屨魚笏皂羅囊沉燎熏爐細流  
蘇寶蓋香裊期陪被水蘭館助條桑綠緜芄蘭佩紅螭薤  
葉璋錫封需大國喚仗及迴廊受冊威儀定傳烽羽檄忙  
司輿停鹵簿掌瑞徹珩璜婺宿明河澹薇垣太白芒至尊  
憂咄咄仁壽涕彷徨酈邑年方幼瓊華齒正芳艱難愁付  
託顛沛懼參商文葆憐還戲勝衣泣未遑從容咨傳母空  
急詢貂璫傳箭聞嚴鼓投籤見拊牀內人縫使甲中旨票

支糧使者填平朔將軍帶護羌甯無一矢救足慰兩宮望  
盜賊狐篝火關山蟻潰防逍遙師逗撓奔突寇披猖牙齧  
看吹折梯衝舞莫當妖氛纏象闕殺氣滿陳倉天道眞蒙  
昧君心願慨慷割慈全國體處變重宗潢胄子除華紋家  
丞具急裝救須離禁闔手爲換衣裳社稷仇宜報君親語  
勿忘遇人端退讓慎已舊行藏國母摩笄刺宮娥掩袂傷  
他年標信史同日見高皇元主甘從殉君王入未央抽刀  
凌左闔申脰就干將唾血彤闔地橫尸紫籙汪絕吭甦又  
咽瞑睫倦微揚裹褥移私第霑胸進勺漿誓肌封斷骨茹  
戚吮殘創死早隨諸妹生猶望二王股肱羞魏相肺腑恨  
周昌賊遁仍函谷兵來豈建康六軍務面慟四海遏音喪  
故國新原廟羣臣舊奉常贈圭陳厭翟題湊載輜輶隧逼

賢妃冢山疑望子岡銜哀存父老主祭失元良訣絕均坏  
土飄零各異方衣冠羸博葬風雨鶴鶴行浩劫歸空壤浮  
生寄渺茫玉真圖下髮申伯勸承筐沉浦餘堯女營邱止  
孟姜君臣今世代甥舅卽蒸嘗湯沐鄉亭秩家門殿省郎  
淒涼脂粉磴零落綺羅箱宅枕平津巷街通少府牆晝閒  
偕妯娌曉坐向姑嫜偶語追銅雀無聊問柏梁豫游推插  
柳勝蹟是梳妝菡萏鴛鴦扇茱萸鸚鵡觴大庖南膳厥奇  
卉北花房暖閣葫蘆錦溫泉荳蔻湯雕薪獅首炭甜食虎  
睛糖壯麗成焦土榛蕪拱白楊麋游鳩鵲觀苔沒鬪雞坊  
荀灌心惆悵秦休志激昂崩城身竟殞填海願難償命也  
知奚憾天平數不減累歔牀簀語卽窆寢園傍半體先從  
父遺骸始見娘黃泉母子痛白骨弟兄殤夙昔銅駝泣諸

陵石馬荒三年修苻藻一飯奠嵩邨寒食重來路新阡宿  
草長溪田延黍稼隴笛卧牛羊朽壤穿螻蟻驚沙起鴉鷓  
病樗眠廢社衰葦折寒塘列刹皇姑寺馱經內道場侍鬢  
稱練行小像刻沉香玉座懸朱帳金支渡法航少兒添晝  
燭保媪伴帷堂露濕丹楓冷星稀青鳥翔幡旄晨隱隱鈴  
鐻夜將將控鶴攀龍馭驂麟謁帝閭靈妃歌縹緲神女笑  
徜徉苦霧迷槐市雌霓遶建章歸鄒思五廟涉漢淚三湘  
柔福何慚宋平陽可佐唐虞淵瞻返日蒿里叫飛霜自古  
遭兵擾偏嗟擁樹妨魯元馳孔亟芊季負倉黃漂泊悲臨  
海包含恥溧陽本朝端闕設制勝巖疆處順惇恭儉時  
危植紀綱英聲起北地雅操邁東鄉新野墳松直招祇祠  
柏蒼薤歌雖慘愴汗簡自輝煌諡號千秋定銘旌百禩彰

秦簫吹斷續楚挽哭滄浪

題歸元恭僧服小像

金粟山人道者裝玉山秋盡草堂荒  
刳灰重作江南夢一曲開元淚萬行

共道淇園長異材風欺雪壓倩誰栽  
道人掃向維摩壁千尺蒼龍護講臺

送王元照

青山補屋愛流泉畫裏移家就輞川  
添得一舟乘興上煙波隨處小游仙

始興公子舊諸侯丹荔紅蕉嶺外游  
席帽京塵渾忘卻被人強喚作廉州

朔風歸思滿蕭關筆墨荒寒點染間  
何似大癡三丈卷萬



松殘雪富春山

龔鼎孳字孝升號芝麓合肥人明崇禎甲戌進士官給

事中入國朝厯官禮部尙書諡端毅有定山堂詩集

錢牧齋曰孝升標舉輿會籠控今古夜光之珠狼籍

道路崑山之人以抵鵲耳至於汾水秋風之作江南

紅豆之歌一語神傷四座泣下吾斷以爲文人學士

緣情綺靡之真詩吳梅村曰先生嘗爲余張樂置

飲授簡各賦一章歌舞談笑方雜沓於前先生涉筆

已得數紙交盡王侯而好山澤之游傾囊橐以恤窮

布衣之節以援知己其惻怛真摯見之篇什者百世

而下讀之應爲感動况身受者乎王丹麓曰宗伯

天村宏肆數干言可立就都不點篋爲孝陵所賞

識嘗在禁中歎曰

龔某真才子也

詩話芝麓詩與牧齋梅村鼎足竝稱感慨興亡聲情

悲壯有不可一世之概姚薑塢謂其軍中轉粟青天

上使者論功大夏西勝於梅村之使者自徵滄海粟

將軍輒費水衡錢七絕多傑作漁洋獨舉其流水清

山送六朝爲才人

語似未足盡之

和季滄葦侍御兼弔天中給諫櫬歸自遼左

江流何滔滔嶽峙何嶷嶷  
奔潮無砥柱百川徒漫漶  
古來忠孝節豈隨天壤  
圯南風方不競斷岸孤舟  
艤伯仲挺英姿驩驅九霄  
駛賢兄早禁闕同朝吾甚  
喜詩畫許矜賞煙霞生爪  
指獻替羞雷同高曳東華  
履忽復排闥闔憂危心遽  
爾皋益戒無虞其君甯有  
此我皇實優容小臣言過  
矣銜恩涉關塞抱書牧羊  
豕當其廷諍時我忝交戟  
裏畏死不敢救芒刺攢心  
髓頗聞秉鈞怒憂天奚藉  
杞去年凶問至傷心違帖  
吧一歌折檻行老淚穿蒿  
里令弟都亭驄上書屢稱  
旨矯矯當門蘭疾風勁不  
倚或時召狂奴對酒荆高  
市薄俗善窺人將無累吾  
子廟堂有鉅公時事難抵  
齒求言詔忽下義憤填膺  
起對仗舌仍噤辱勝望塵  
跪甫傳

彈事人雷霆森諫紙雜治煩王公抗論窮端委大體存堂  
簾連逮及拂士木索上楓宸正以旌如矢何人是魏其主  
聖吾所恃天顏果一回無罪此人理感深猶頌繫溫言飛  
玉几開生汝忠愛招魂渡遼水當年薄譴意徘徊輦原止  
蓋棺復彈冠道亨命非否四海歡且泣甯獨同粉粹韜鐸  
懸天衢封事浩難紀逢干在一門後先耀國史君仁則臣  
直此真臺諫耳丈夫有遭遇詎必屬阿唯三復紀夢吟若  
兄今不死

金陵篇用李空同漢京篇韻

六代叢金粉千門豔綺羅笙歌橫玉闕樓閣傍銀河銀河  
玉闕傷心麗垂柳曾籠王謝第朱門雙燕自翩躚瓊樹三  
山空掩蔽杜鵑春望隔天津壁月臨春更有人羽書禁闥

牀皆滿祠廟青溪禱不神相府衙兵森子弟戟門夜識金  
銀氣秦宮貂珥逼將軍李廣戈矛償醉尉夕烽飛過廣陵  
城小隊傳呼官輦行官裏別驅黃幄去六軍親倒翠旗迎  
簾前墨敕誇行在河上樓船隕將星旛出石頭王迹地表  
書鐵券世家名繁華久觸高明忌滿目新亭人似寐長塹  
偏容鼓角過斜陽最耐興亡事臺城白日亂鴉號複道香  
塵長野蒿寶鈿妝成雲易散珠扉花冷月空高世事從來  
多反覆滄桑眼底翻陵谷當年刀筆太縱橫此日風雲紛  
角逐金陵蕭瑟劇堪憐舊內鍾山本接連不見五陵裘馬  
外麒麟還對玉衣眠

春夕行飲孫少宰北海齋中同秋岳賦

北海先生厭朝籍著書高卧青霞宅有時置酒爲歡娛獨

許吾徒共春夕曹子乃是江海人輦下徵書坐相迫別來  
誰飲盡一斗早踏春泥赴深酌是夕六街初燈火闐闐鼓  
聲喧雜坐長安小兒競好事喚作太平無不可憶昔曾經  
天寶年五侯七貴朱樓邊築球走馬金作埒御溝楊柳飛  
晴煙時危補闕同臺諫下直天街尙清晏聯袂行游燈市  
頭未覺蕭條歎羈宦乙丙之際風物移春城沙滿金笳吹  
醉餘潦倒寒珠箔踏歌悲樂心難知邇來雨散不復顧金  
陵公子愁繞樹卽看明月正憐人誰使吾曹更萍聚生不  
願逐金張塵遺世亦非嵇阮倫偶然得意自杯斝銀箏絳  
燭相鮮新酒酣起舞呼海岳歷歷春星挂檐角秦階漸平  
兵不作花時肯惜過逢數

嶺南喜晤曹秋岳作歌

琳宮飛閣冬殘月斜陽罷酒驪駒發梅花臘盡海雲邊恰  
停萬里江門船經歲風波怨離索膠漆看顏豁飄泊人言  
命駕似嵇呂天遣扁舟同李郭雜坐篷窗夜始半疏鐙細  
語心零亂番舶雞人籌屢更銀河斂色長天旦是日星前  
錦席張春風火樹翻毬場清歌玉瑟雜羌拍軍城鼓罷仍  
笙簧官齋玉浮圖書府笑披臺牒多如雨畫永名香伴鴈  
鵲簾開瓊雪調鸚鵡廣南珠壁愁凋枯西園刻印金模糊  
酒壚口口口狼藉高樓大市謹盞弧一飯生民淚如霰至  
尊盱食明光殿薄海弄兵皆赤子荒疆幾日猶酣戰季主  
行藏卜賈生一歸身已私柴荆輕帆落日五湖客醉眠何  
處長安城長安城夾風雲高朱門軒蓋如牛毛南箕北斗  
漫指日九天鏃翻紛鸞刀同時丹筆含元仗重瞳造膝親

嗟賞修蛾申嘗起須臾玉階芳草生塵網孟博登車空賈  
禍黃門錄牒懸鉤黨天關誅蕩傲白日主聖心能容倔強  
江海一麾交戟下頤指難承甘蹈藉諸生幡正舉陽城狂  
奴態尙輕侯霸送巡浹月君留邸搖落窮冬吾報罷一斥  
猶存去國名羣賢未謂工彈射亡何驄馬蹶霜蹄我曹失  
路偏連雞野沙急滾陰風入高城呵殿驚雲泥茅檐炙冰  
晨不暝凍禽未叫肩相齊九重霆怒豈及夕至今心骨寒  
訶詆春水揚舲別津樹觚稜回首飄煙霧市虎讒纔雪拾  
糜同文簿又沾廚顧青眼全經楓陛曉黃扉已返榆關戍  
江天徙倚鶴歸來攜手雲山非晚暮卽今海角挽君衣銅  
柱功名志未違壯夫抽身計亦得不爾強食還翻飛

爲趙友沂題所藏楊龍友畫冊和錢牧齋先生韻

南渡誰秉國鈞者當時爭指貴陽馬皖江老狐據當道清  
流喋血盈朝野金盤火齊高如山斜封墨敕嘯封還葛嶺  
閒堂格天閣錦裝大軸連雲間一夕延秋六軍散白衣紅  
袖徒悲歎相府圖書等告身溝渠紙墨殘花亂龍友筆墨  
殊蕭然鱗盤遊戲還仙仙解衣興至一揮灑千巖萬壑生  
秋煙黃驄袴褶馳南陸憤作虎頭飛食肉鐵戟沙迷戰鼓  
沈懨馬驚星地翻軸丹青縱橫久更新荆關董巨流傳真  
蒼茫古色照金石貴陽亦有風流人趙生意氣深相取晴  
窗還並孤松撫此物攜持應有神九疑落月三湘雨

大風行

長安大道塵拍天朔風乍號何怒顛傳聞漢廷方慮獄都  
人觀者紛駢闐侍郎葶桔叫閭闔纍纍木索同鈎連一言



脫口黃沙起萬事蒼茫爭片紙曠曠日出軒轅宮忍照孤  
臣戴盆死諸老遠巡視牘背或復義聲鳴感慨謙讓移時  
議忽同奮筆大書法當貸其時羣口歎如雷今日始逢天  
眼開金水橋邊晝漏靜浮雲散盡終風迴初聞督府騰謗  
書重瞳讀之知子虛閩海焚香萬人哭高旛急鼓隨檻車  
射烏城頭海月昏手飛鐵礮鯨鯢奔幕府上封曰臣亮功  
大不可以罪論出之縲絏須臾耳獨挈完城報天子僕射  
軍中若父兄官罷人情乃如此上黨觀察陳誼高同時五  
賢郡法曹對案流涕輒不食不白此獄非人豪六人逮繫  
三廣柳生者三人復囚首已分楊匡都市縛誰縱虞卿解  
印走我皇仁聖眞如天文書乙夜披甘泉四十五牘同日  
上滿車薏苡消秋煙今年盛夏雨澤枯桑林步禱臨天衢

詔下公車求讜直請劍有人當陞呼亞夫大哉勝賜瓊飽  
澍傾盆洗蒸熱敢云不雨烹宏羊無乃爲霖期傳說七月  
十月曾幾時風翻雨驟何相隨天心倚伏殊有意冰山毒  
霧空爾爲陰陽休咎關三府人果回天天不怒吁嗟乎五  
風十雨何足奇君不見侍郎之風相公雨

壽白母長歌

甲乙之際無事無臺城白晝噪妖狐丞相按劍坐交戟緋  
衣赤棒喧天衢中有一人髯且怒昔母趙媯父王甫風雷  
炙手諾從龍斧鉞行空恣匣虎失職藍田怨久盈俊廚風  
義激諸生人偷月且清裁出大事春秋直筆爭是時二白  
皆年少雕隼雲峯立秋曉霜翻常令狡兔愁金眸不畏輕  
繒繞希風海內盛諸君搥鼓交騰逐客文小人名辱身猶

在一言精悍張吾軍讀書早讀東京史李杜齊名差可擬  
紡車玉雪照鐙青古今淑母成君子十年奏賦詘甘泉傲  
篋同絨寶劍篇一夕銅駝長荆棘頓聞鐵馬嘶南天草莽  
陳師勤國難新亭對酒悲風亂灑泣登舟動鬼神扶危共  
望清和蒜將軍富貴蠡吾侯洵先將喬固收豈有曹鸞  
能訟黨卻因劉鮪坐同謀中宵片紙飛司隸長者是兄弱  
者弟郭揖相憐解綬驚毛欽自失操兵銳淦淦寒雲貫械  
傍過門別母空傍徨寸蔥對隕飛霜涕萱草難忘愛日長  
此日清流遭六百檻車一網紛馳逐北寺空歌鳳鳥衰南  
冠誰念霜毛禿武安夜夜醉金貂耳語能寬避席驕共羨  
蒼頭無李善何期朱戶有王調電掣颺迴格天閣健兒快  
馬衝鈴柝赫蹏小字頗難詳但言誤飲姜劉藥上游旗纛

卷飛檣萬甲傳呼起晉陽  
妄意人情合張角頓令赤幘勞  
楊匡大軍北促樓船渡降帆  
火照丹陽樹角巾無恙白先  
生司馬門空笳吹暮輦珠輿壁  
又江東回鶻明裝舞隊空  
鼙鼓散軍朝失勢壁門奏表夜  
論功郿隄臍燃膏乍冷罡  
風人墮仙霞嶺魚軒象服有龐  
眉蕭條鼎養悽飄梗大母  
含飴擁絳帷冰鱗碧笋娛春暉  
眼看桑海麻姑劫天與花  
輶萊子衣茅容雞黍安林嶠捧  
檄還開北堂笑漢廷辟舉  
首賢良獨行何辭三府召小弟  
虎觀先上書英聲藉甚翔  
公車長安卿相競倒屣恨不立  
置承明廬揚雄文似翻遲  
薦明月瑤階掩秋扇三十六宮  
頌翠蛾傾城佇冠昭陽殿  
昨日長兄書自南柴門菽水清  
且甘鍾阜晴雲當戶牖蒲  
團香雨滋優曇薄游倦折宮城  
柳黃菊兩開正重九心隨

征雁過滹沱急歸爲進南陔酒若母吾母交義真登堂一  
拜猶遠巡敢云房杜忝朋好願依陶孟稱芳鄰栖栖京雒  
車塵白頂領磬折終何益蕙茝離披自一時葡萄爛漫仍  
千石興酣起舞屬誰歡衛尉東西不耐看君知羅雀庭中  
事正則何心薄子蘭歸與若兄連榻語信我風波久難處  
小人有母戀牽裾招隱况多叢桂侶君家兄弟急朱輪霄  
漢應須早致身他日起居連八座定知歡樂過千春雲門  
一奏黨碑倒霧霽甘陵日杲杲女師母範世眞稀既有令  
名兼壽考

吳郎南征賦別

功名憑燕領三十佩吳鉤天地看橫角風塵避短裘還家  
如出塞多難賤封侯自古磨崖續書生據上頭

萬子年少自清江過訪值余他出賦此寄謝

彭城悲戰色歲晏客心同一飯憐青眼千年想大風中原  
從逐鹿吾黨各飛鴻廚俊相看盡幽人得桂叢

門外清江路張融萬里船道窮寬出世書就痛編年豐沛  
英雄老曹劉壁壘堅過江諸俠少心折祖生鞭

館卿命下孝威以詩見贈和答

白簡心猶悸黃冠局不新飢仍同曼倩逸已愧劉麟風俗  
驕焚桂功名薄徙薪向來薇蕨意終是戀逋臣  
雁鶩謀誠短夔龍地敢論幻頻看海市夢亦怯天門事過  
疑羊祜時清醉屈原側身知亢悔柔道欲占坤

有聞

萬口同嗜此一時孤臣心敢望天知相憐鮑管愚難及並

作膺滂死不辭丹檻雷霆回草木黨碑風雨護蛟螭絲綸  
高閣多黃髮緩帶鳴珂自委蛇

過鞏鴻圖都尉故居

彩雲蕭史舊門闌綺榻香銷蕙草殘冠玉人偏輕鼎鑊餐  
霞骨合返旃檀封章灑血心猶在花月聯吟夢已寒定是  
神仙饒慧福樂昌鸞鏡不禁看

過城東戚貴諸里第

複道當年駐五侯家家紅袖拂箜篌屏移鳳蠟青煙冷人  
去章華皓月流垂柳依然臨繡戶玉驄無計問高樓重來  
江令頭先白不待言愁始欲愁

懷方密之

修竹牆陰愛結鄰十年縞帶奉清塵天移忍復論交道劍

在何堪擬故人同死臧洪誰慷慨逃生張儉獨悲辛也知  
盜賊縱橫甚不敵江東丞相嗔

掉臂天風萬里游奇懷跌宕俯滄洲單衣短劍憐人贈大  
壑雄峯倦眼收漫倚潔身消毒怨豈知名士盡離憂他年  
執手三山島細數銅駝陌上愁

春日讌集觀宋徽宗墨寶

宸翰高懸寶墨香爭從劫火拜靈光杜鵑不解留青帝鸚  
鵡猶能哭上皇璧枕風煙禾黍後金門花月駛驄傍銜杯  
難盡文通感獨立蒼茫過夕陽

伯父雍篋公惠詩垂憶依韻奉報

劫火昆明萬事隳壯心初向鏡邊灰休文座上人非少庾  
信江南賦獨哀滿眼干戈疑去住百年家國重徘徊遙知



檐日題書恨淚裊新詩慘不開

秦淮社集白孟新有詩紀事和韻

次公禮法醉全寬岸幘高吟一水寒  
亂後江聲仍北固座中人影半南冠  
自傷鈎黨名曾噪頗怪坑儒策未完  
狎客冷消三閣燼卻留寄字滿琅玕

舟過秦郵喜晤鐵山司空

芒碭天低萬馬秋垂綸乞食老滄洲  
貧廚濁酒寬霜鬢高枕青山笑傲裘  
江左竟揮王導涕人間并忌李膺舟  
蓬蒿客過還深掩莫遣塵侵百尺樓

和牧齋先生韻爲丁繼之題秦淮水閣

開元白髮鏡中新朱雀花寒夢後春  
妝閣自題偕隱處踏歌曾作太平人  
烏嘯楊柳仍芳樹鷗閱風波有定身  
驃騎

武安門第改一簾煙月未全貧

送盛順伯歸丹陽

入雒相看鬢髮蒼十年蹤跡阻滄桑  
畏途自懶嵇中散古道難忘盛孝章  
龍卧東京留黨錮烏嗁北寺共星霜  
樽前欲別重牽袂輦路長秋過夕陽

人日同張登子鄧孝威游海幢寺訪澹歸上人

雨後經行祇樹林石欄橫展碧苔岑  
佛雲不改清流色人日偏宜海國陰  
過歲白花飛蝶早當時赤棒伏龍深  
旅辰暇肯虛蓮社一飯青精萬里心

慰朱蒿菴都諫以言事謫官

掖垣封事朝朝下誰並朱雲折檻名  
斷獄已無于定國上書空累竇游平  
危言計肯謀妻子長慮吾終愧友生  
一斥

未須悲仗馬報君今日諫官成

寄彭禹峯方伯酬燕京留別韻

得時鷹隼豈卑栖行省威名播翟韞屐折圍碁千帳靜檄  
成橫梁萬山低軍中轉粟青天上使者論功大夏西柔遠  
古惟恩信重年來象馬倦霜躡

和答禹峯大參見懷

漢廷流涕治安書謠詠申申幾詈余四海交游官謫後三  
更燈火雁來初春星惜別惟彈劍他日相逢肯下車矯首  
南雲無羽翼晨風託寄一躊躇

卧龍勲業日南旁萬里關河首獨驤抱膝已知輸管樂論  
心終自許膺滂功成天馬來西極戰定珠崖奉朔方安得  
從公參佐暇婆娑衰客共飛觴

人日同古古諸君作

十年濁酒望清塵安得同君聚好春  
嵇阮自成名下士荆高豈是酒中人  
吹簫仗劍非無事辟穀封留總此身  
珍重鹿門遺老在須將出世答君親

清明同古古伯紫仲調兔牀諸子登妙光閣感悼

石火平催白首春芳蘭折盡感芳辰  
布金園濶忘家儉炊玉心枯念客貧  
化去魂歸無色界悲來佛是有情人  
讓他簾外飛雙燕又見垂楊碧草新

烏江懷古

蕭蕭碧樹隱紅牆古廟春沙客斷腸  
真霸假王誰勝負淮陰高塚亦斜陽

口號贈朱音仙

爲阮懷  
窮歌者

萬甲樓船仗水犀一軍鶯燕散前溪難聞擁髻消魂語戰

壘蒼茫落日低

音仙會供事軍中  
談江上情形甚悉

贈歌者王郎南歸和牧齋先生韻

生成珠樹有鸞棲丞相鳴鐘邸第西爲報五侯鯖又熟平  
津花月賤如泥

長恨飄零入雒身相看憔悴掩羅巾後庭花落腸應斷也  
是陳隋失路人

上巳將過金陵

倚檻春愁玉樹飄空江鐵鎖野煙銷興懷何限蘭亭感流  
水青山送六朝

偶感

東市朝衣濺血年驚看老鶻奮霜拳到頭恩怨知誰是田

寶袁晁盡可憐

燈屏詞次牧齋先生韻

珠簾錦瑟事依稀紅淚拋殘金縷衣曾記五侯春宴罷花  
前被酒玉驄歸

樓閣憑將結綺猜留仙裙帶鬪春來漢宮蠟燭傳銅雀不  
逐昆明劫火回

開元法曲夢華遙腸斷春雲度玉簫寶馬香車今夕動幾  
人回首杜鵑橋

曹溶字潔躬號秋岳嘉興人明崇禎丁丑進士官御史  
入國朝歷官戶部侍郎降廣東布政使再降山西陽  
和道康熙戊午舉博學鴻詞以丁憂未赴有靜惕堂

集

詩話阮亭秋柳詩和者甚眾以亭林秋岳爲絕唱秋  
岳少詩名中年風格日進李天生稱其五古如羚羊  
挂角無跡可尋而譚金璞玉中奕奕自露神采又  
云意取其厚詞取其自然而所以復漢京也調取其俊  
逸格取其整所以明選體也又云古向有獻吉如龍  
仲默如鳳之喻龍變化不測鳳文采斐然可謂深  
知何李者要知二李亦未偏廢先采斐然可謂深  
行與術宏深不顧時眼大有郊視鼓吹之遺世無言  
漢詩者吾珍此自賞耳集中古體諸詩當之無愧五  
七律根柢浣花間涉崑體蓋魄力深厚故能奄有眾  
長也秋岳家富藏書勤於誦覽好收宋元人文集天  
性愛才間人有一藝未嘗識而譽不去口主詩壇者  
數十年才士歸之如水赴壑晚年自號劍菜翁又號  
金陀老圃築室范蠡湖顏曰倦圃雜栽花竹文譙無  
虛日時有北海賓

遣胥至曲陽塌北嶽廟碑

吾衰屏塵雜弱翰頗好弄邊州病寒瘁凌秋墨池凍流覽  
歐趙錄日月聊自送擬補夾溟疏孰慰宣和痛披剝稗聰  
明蒐討辭倥偬度藏雖百編零落亦已眾側思恆山陲蛇

蚓結昏霧陰林上危岑亂沫走虛洞谷張飢狼宜晝聽巢  
鳥啁歸然翼靈祠掃土消怨恫中多琬琰章扁刻見深壟  
殄葉美離披銀鉤凜森動遠溯貞觀初宋碑略成諷書流  
晚媿媚那許稱伯仲妙蹟未充囊古色屢迴夢渾河隔雄  
關資爾出飛鞚摹搨幸過歸真氣繞梁棟入手蠟痕香懸  
足龜趺空匣芸驅粉蠹贖縹裝紫鳳遺文非細務俗儒敢  
相控祀典倏紛拏目睫任羣閔海嶽羅座間一笑竭春甕

游雲崗寺

釋氛理時服頓轡西郊陰荒陬非樂邦得友諧所欽猛志  
惜暇日獨居多傷心選徒越農圃數席蔭飛岑歡宴不知  
疲昃景招鳴禽反顧丹萐高諸天布黃金鑿石象祇園雙  
樹垂清森甯意甲馬場黯黯孤壑深奔湍吹白沙迫冬仍



浸淫徐悟區中隘率性惟幽尋行帳因風翻長笛和哀吟  
三復河清篇覆爵還自斟

出門行

出門復入門游子席不溫生來貴適志難與妻孥論大江  
東注洗胸臆低眉縮手空逼仄苦雨沾泥舊井頽楊花落  
盡無顏色發興欲坐隋堤頭朱樓挾瑟打我愁綠槍金甲  
塞州縣固應逸士甘扁舟已捲書囊宿郊外日高打鼓臨  
春流忽聞介馬中宵動千人走哭爺孃送填街驚踏波沸  
天重關斷鎖誰能控不惜骨肉委塵沙何況羅綺夾梁棟  
軍將原無取卯心遺民自抱傷弓痛此信傳來已三四長  
年收棹無行意我本山中麋鹿人且免預他憂樂事嗚呼  
廣陵破後纔三夏客強主弱尤堪訝市倡可使酒可飲權

場蟻舶霸天下勢劇易繁終易渙隔水遙將輿地看蕪城  
不復入新詞蜀岡煙柳旋零亂如今不飛亦不伏有眼但  
見鳴金鏃驅車何處定粗安百錢底就君平卜

故里吟

我本禾中民暫作姑蘇客一年一度歸去來每見人情不  
如昔惡雨連春蠶箔難湖田侵水桑苗殘鄉村苦盜市苦  
沒家無斗米衣裳單成羣游手貪言亂傳訛傾刻騰郊閭  
識者稍爲違俗行輒起千人橫目看乘間但欲恣焚掠此  
豈有意存炎漢負販低昂物價貴里正胥徒熱可畏挂屋  
空遺一卷書面色如灰少生氣親知恤我招我返具區煙  
浪滔天遠吳語輕浮莫久居長卿倦轍今須挽狐有首邱  
豈不憶滿室蓬蒿除未得伯通故蹟依然在傭保隨時甯

敢悔

牛心山寺

右衛城東寺香臺積雁毛  
一川融夏雪眾壑舞松濤  
落照牛羊小懸崖日月高  
欲留談勝諦長劍愧巖豪

懷潘次耕

我友今安在江村積潦深  
苦吟過百戰高枕獲初心  
夙約花籌冷閒愁戍管陰  
定知游轍倦雞黍或相尋

桐廬道中

細路循溪轉蒼然易夕陰  
城荒啣素壁潭靜帶孤琴  
野剝煙中見危灘雨後深  
桐君如可遇便許擲華簪

入北山深處

薄暮穿松磴盤崖路轉通  
竹深山磬冷雁過雪樓空  
樵侶

時相引筇枝意漫同近傳多虎跡歸興轉匆匆  
樹影疑無地菴居恰有泉溪冰危峇渡石籟響寒煙翠濕  
常愁雨山荒不記年未能留信宿猿鳥共愀然

南昌

易世江湖在疲民喘息難罰輕羣盜狎兵動百城殘野葛  
榮疏雨山樓放曉寒卻思全盛日清事滿魚竿

訪陸繩仲

問族平原舊空堂乃貯書好山支枕後幽草倚欄初春氣  
親茶鼎林香散壁魚一瓶會古制來往莫教疏

南灣

就麓開幽棧登登翠不窮有時行樹杪終古在煙中架壑  
翻忘險飛流總嵌空最愁多窅折無處著漁翁

同維思芝麓石鳴入山尋道公留雪浪軒竟日紀事  
霽色谿迴塔院明春衫初試出郊行松陰遠送啼鶯合磴  
道青隨踏草平顏後講臺雲自入饌成香粒晝相迎身驚  
學佛升堂晚躍馬看花誤一生

晚入東塔禪房

乍歸禾里客懷酸僅識城東舊講壇曲港欲邀仙舸宿山  
風不動塔鈴寒一身與世悲空寂初地從僧借羽翰春晦  
更看游騎少夜涼花雨撼欄杆

答連江令秦景天

彩綬新加小邑清單車將指讓鄉行卻錢劉寵功名狹存  
菊陶潛意氣平暑館有花催釀秫旅牀無夢到銷兵交期  
盡浣風塵去駿馬吳鉤萬里情

酌罷幽泉嘯碧梧  
天南傾蓋惜征途  
封侯歲盡雙蓬鬢  
臥雪人歸一酒壚  
曲裏高山聊自傲  
愁中滄海更誰扶  
尺書報我非無意  
落月深村聽鷓鴣

送程瑞伯還楚

虎觀當年視草人  
客裝憔悴秣陵春  
片帆忽爲思家去  
六月江清採白蘋

錦袖珠鞭白鼻騮  
醉眠多在酒胡家  
好攜朱雀橋邊月  
遍踏黃陵廟口花

送周月如守瑞州

沙飛柳色怨春還  
醉泊吳關復楚關  
差慰故鄉離別夢  
亂雲黃葉似燕山

江上與彥遠別

天涯兵動惜分攜人去虔州路更西  
試看山中紅葉下五谿秋熱鷓鴣啼

雨中渡玉溪

澗水南流雪有陰衝風打槳散幽禽  
誰知馬背秋衣薄不耐山中積翠深

周亮工字元亮一字減齋號櫟園祥符人明崇禎庚辰

進士官御史入國朝歷官戶部侍郎坐事罷復官江

安糧道有賴古堂集

錢牧齋曰元亮之守漳也故人門客在重圍中相與  
登牌賦詩抗詞同日無一人思解免者蘊義生風緣  
情仗境珪判而璋合金春而玉應此元亮之所以爲  
詩也黃俞邵曰先生在西曹獄事方亟與黃山吳  
冠五攔絮共爲詩漏下數十刻嗚嗚不止嘗於對簿  
時從榜笞呼晷聲中借伍伯筆作送人二十絕句其  
興寄如此

詩話樂園豪邁好士嘗真一簿於座上與客言海內  
人材輒疏記之尤嗜畫及印章搜羅著錄獎借成名  
好事風流蓋出天性詩如其人權奇磊落語語皆見  
性情漁洋詩話載其輓揚秀才絕句云唾地新詞破  
錦囊高樓君自拜滄浪文人命薄將軍死誰賦城  
南舊戰場劉海峯歷朝詩選亦取之而集中未見

將樂玉華洞

天階尋玉華風急雲駿驟忽墮坎窞躑躅魚龍背萬石  
縱復橫意如敵所愾頽然或自放偃蹇亦無配勉强錫嘉  
名意到形斯在古雲結不流溪聲高處碎一燈夢相扶聲  
光全憤憤冥行更數武跛踣不可耐長揖謝游人微衷多  
感慨安得煩五丁龍雷啟其昧劃然天地開爾我咸無礙  
朝暎照八埏陽和滿一概夕月映花酣長風吹大塊松栝  
白石間篠簳蒼巖內杳杳與冥冥有餘於進退乃知五嶽  
心不肯自晦曖悲哉陰翳兒偏欲求其晦



胡三元潤徵裘歌

前從逮者闔海回帆到揚州不肯開趙起一日復兩日欲  
待我客與俱來我客不來書亦絕搔首船頭自嗚咽朝憑  
鷓尾引雙眸胡郎岸上足蹙躡自言待公凡幾時君乃成  
行我何之吁吁不定風颿疾招招舟子淚洒洒扶持登舟  
急遽拜拂拭我面持我械天平人耶遂至此搖首無聲但  
睚眦是時當空日大炎胡郎正著葛衣織綵締多孔不承  
淚點點穿從肌上沾伏日幾時北風潑胡郎葛衣不成脫  
一絲兩絲人不憐馬上肅霜馬下駝嗟夫我欲學爲裘奇  
服欲從句裏哀屈身成直良不易近地遠天何所謀胡郎  
詩成句盡好甌窶汗邪多所禱徵書四出羽檄忙莫謂大  
寒索不早獾狼羊虎羆豹麕紫鳳元貂與青猊不信白狐

偏有腋一寒戀戀故人綿雉頭集翠出何門懸知此物定  
奇溫人言君欲爲華耳其心不肯哀王孫飲章迫人身被  
縶我有褐裘不自給六月披來賣與人十錢得五人猶澁  
卽今只餘破羊皮割半與君兩不宜君言爾在雪霜窘脫  
復徵多分相遺茫茫雪花大如掌妄一男子東海上知君  
立意學神仙彷彿似者王恭慙我客不來爾泥塗重裘者  
子誰丈夫開口告人豈吾徒逝將去此登天都食藥金庭  
飯玉廚雲綃霧縠紫霞繻荷衣蕙帶明月絢眾婢弄簫童  
和竽左舞青龍鳳右趨青陽膏潤色和愉大穢無如禽獸  
郭慎毋使近冰雪膚

羣鴉寒話圖歌

許生崛起好畫竹整整斜斜風蕭蕭向北忽不見此君一

心惟愛寫枯木南司夜夜北風多呼酒不來可奈何硯凍  
杯乾不肯唾禿筆閒從冷炕呵呵筆搖搖拂敗紙童童偃  
蹙無樹理燈下微窺龍虎姿離離欲死不成死雨鞭風撻  
老蛟飢左攫已絕右拏離心憐欲益好顏色粉墨兩看無  
所施淺者屈霜深屈雪白摧龍骨黑老鐵到底不能看作  
薪此公雖苦有高節半夜俄聞烏亂啼棹棹軋軋明月低  
苑樹何曾集冷翼不知飛向誰家棲許生見鴉長太息萬  
巢突兀生胸臆鴉爾來前爾鴉前吾將巢子以奇墨我樹  
雖枯得大年南枝不脆北枝堅關河雪冷謀且息暢飛暢  
舞好更遷夜深鴉與羣鴉語上下四旁同一處嘈嘈切切  
無留言我歌爾和慎莫拒朝從昭陽殿裏來千門萬戶一  
時開驚乎鼓之軒乎舞覩見鄒衍吹律回鳩樂閒房鵲笑

大來遺我酒羣相賀吾徒豈不憶寒號枯枝得坐且同坐  
楊柳藏身憶白門欲飛不飛戀黃昏此心流水孤村外此  
地難言好久存葦屋風飄不成畫放筆與鴉爲酸話不知  
幅間與樹間更殘月黑羣鴉拜許生畫竹竹盡情許生畫  
鴉鴉有聲但是一點兩點墨何至遂與羣鴉爭許生慎莫  
悲寒晌會使墨光有奇吐噦噦天上鳳皇鳴日寫梧桐干  
萬樹

程慎先爾止侍尊人游粵

碧玉繞青蘿依親好共過帆回山盡見鷗起水仍波秋迴  
邀歸甚檣危受雨多北來何所事滿眼足干戈

過五木呈薛歲星先生時先生薙髮稱米和尚

老鶴鳴深夜林孤五木殘蓬蒿前太守塵土舊衣冠蔓草

鉏瓜瘦荒村索米難梅花堂下雪入望水漫漫

先生前守吾梁郡中

有古梅花堂今  
沒于黃流矣

送王長子返白門長子舊鎮閩留滯十六載矣

措足知何地能歸尙此身花憐嶺外雜酒是故園醇飛絮  
茫無著閒雲亦有鄰去時城郭改舊侶欲誰詢

八載予三至支離剩此身誰憐單外客又送故鄉人米說  
江南賤烽傳海上頻將軍今亦厭醉尉莫相嗔

與林鐵崖

強項吾徒賤羣侯勿遽嗔熱官思已熟冷竈恥相因客淚  
霜前滿天心逮後真芻尼朝有喜一室已回春

重九同冠五對菊次韻簡芝麓

維摩方丈室納納此中寬腐鼠人同嚇甘蕉方任彈停雲

其月余言四卷之二  
五  
懷友密背雨坐花殘獨愛陶元亮一卮意已安

服食方全好東籬擷始英酒難今夜醉花識老人情摧葉  
霜多力鳴條月有聲祇應塵濁裏枯坐念無生

糞半干半畝園

萬累已全息荒園足自怡碁邊今態好酒外古心危妙畫  
殊無意殘書若有思屑榆亦可飽努力莫言衰

中邱贈喬磐石鴻臚庚辰與張陸可三諸君飲磐石  
西園今並作古人矣

中邱老子好神仙密註莊生樂社篇自起叩宮青縹酒留  
人抱月女蘿絃何期舊雨來殘客剩有春風吹大年亂後  
故交零落盡多公不信有桑田

臨洛關李浦珠送酒抵邯鄲賦此寄之

梨花聽熟臨洺酒老友關前抱舊醅雪裏鴻飛萊子國  
雨中客夢趙王臺桑田略記三爲海岳柱曾傳再作灰  
劫後更生能幾見華門肯爲故人開

四年七夕詩

丁亥侍叔父酌秦淮同張淑士舍弟靖公分得田字時鄰舟有盲女琵琶聲

星河雲影澹相連桃葉依然舊渡邊盲女琵琶天寶事  
羈人詞賦帝京篇甯知此會爲何夕剩有新愁入去年  
始信情根堪萬劫鵲橋今古不桑田

### 東武懷古

更遣雲門客渡濰泲淇東下盡荒陂秋風野水韓王壩  
落日高臺李相碑石址空鞭山鬼骨桑田亂墾海龍皮  
當餐頗憶如瓜棗幻渺仙人不可期

姑幕城頭萬木號波光浩蕩客心勞羣鷗欲往迎朝旭  
獨

鶴閒來聽晚濤古寺知誰傳伏湛名山應只隱盧敖能從  
海厂留三月不得仙人亦自豪

波濤騰處亦飛塵蜃吐奇懷麗矚新霸氣縱橫秋雨漫仙  
風隱約野煙泯峯窮碧落爭趨海客到天門欲問津黔首  
舊傳三萬戶不知今剩幾秦人

嵯峨巖壑苦躋攀大海南遵第幾灣客况駝頭東莞郡歸  
心雁背穆陵關琅玕赤映方升日泰岱青分未了山老鬢  
羞慚霜雪滿長淮路近不知還

題梅花再送道目

今歲嶺南不肯雪年前花事已交殘憐公親見寒梅落又  
到黃河冷澹看

寄野鶴



仙霞嶺外鶴飛還著盡奇書但看山不識塵沙何自至勞  
勞客度穆陵關

喜蔣用弼至自閩南

海水羣飛百丈高同君城上擁弓刀戰瘢莫共燈前看半  
夜霜華上鬢毛

晚晴移詩匯卷二十終

晚晴移詩匯卷二十一目錄

金之俊 三首

王鐸 八首

李元鼎 六首

宋權 二首

劉正宗 七首

胡世安 二首

張文光 十五首

殷岳 二十二首

程正揆 六首

戴明說 二首

趙開心 二首

李士焜 一首

程康莊 八首

劉友光 六首

陳之遴 二十四首

胡爾愷 一首

邊大綬 一首

王岱 四首

孫廷銓 三首

高爾儼 一首

李森先 五首

梁以樟 十五首

馬之瑛

六首

晚晴謔詩匯卷二十一

徐世昌

金之俊字彥章一字豈凡吳江人明萬曆己未進士歷

官兵部侍郎入國朝官至中和殿大學士加大傅兼

太子太傅諡文通有息齋集

宋旣庭曰公默觀物化吟詠性情性鳥獸風雲之變態  
滄桑歲月之消沈無不得之於心而應之於手故能  
頓挫擊節波瀾獨老雖不專以詩名家而名章雋句晚而愈精

苦雨

暗雲障曉窗急雨奔泉注衢巷倏成川馬牛爭蹇步陰霧  
瀾遠天亭午常疑暮欹棟醉欲傾頽垣平可渡雛雀失巢  
簷濕螢依草住市民愁露居鄉農苦徵賦聖主正憂勤天  
心似餘怒厥咎有攸司衰庸敢自恕

冬日扈從南苑卽事

南苑鑾輿駐西山肅隊迎晚霞浮紫氣歸獵競寒聲幕火  
繁星雜林霜玉漏清衰頽靡寸補夢寐亦怔營

冬十月從狩閱武恭紀

曉漏初傳雕輦動千官導引羽林翔風旗扇翼移山足雪  
鎧騰波浴日光漫說軍容從細柳親瞻聖武試長楊威行  
萬里應無敵佇息鯨吹奠海疆

王鐸字覺斯孟津人明天啟壬戌進士累官禮部尙書  
入國朝仍原官諡文安有擬山園詩集

詩話孟津與戴滄州論詩曰不奇不古不深不厚不  
劍不難其詩警亮沈鍊亦從空同大復入而出以雄  
渾能刷其所論

獨寐

春風惠然來照此素帷光欲寐不成寐如有深徬徨虎豹  
雖已遠風波在故鄉骨肉屢軼軻生死能不傷欲歸難爲  
歸欲濟河無梁紅顏誰可保遭遇亦何嘗江皋花漸開靈  
鳥鳴西牆遠游竟何事祇以攪我腸耿耿天爲曙緘淚擁  
衣裳

送雪帆之秦

秦雲飛舊日求定果何如城郭新時少豺狼亂後多幽人  
鄰絕塞陶穴蹙黃河諫草如無隱臨流許放歌

賀九寺

樹合若無路傍尋有寺通遠鴉翻夕景一雁壓春風石面  
雷批壑松腰水掣空憑欄疑日月不似楚吳中

故園

東坡先生詩集卷二十一  
轉眼天寒氣不齊歸心安敢說羈縻故園牆北開梅蘂幾  
日河南罷鼓鼙邨嶺撲天餘石馬鞏雲裏雪暗龍谿新兵  
聞道三秦勝次第興師掃蒺藜

近望牛頭寺

漢西郊野望牛頭滾滾寒雲萬頃流鐘磬不關興敗事藤  
蘿猶挂古今秋人從山氣低秦岫水帶軍聲別閬州割據  
雄圖憂後日夕陽無語下寒邱

與崑山三弟鑑

河邊垂柳正依依念子萋江心欲飛年老弟兄難久別田  
間廬舍好同歸人隨蠻土鄉音變路過神隄鞏樹齊釀秫  
須謀日日醉乾坤何物換漁磯

送客入延綏

秦山東接太行山山外黃河天際還綠樹連雲看不盡雁聲飛過玉門關

往會亭

籬落蕭條野屋貧荒涼冷日起風塵如何樹樹穠花發三月城邊不見春

李元鼎字吉甫號梅公吉水人明天啟壬戌進士歷官

光祿少卿入國朝官至兵部右侍郎有石園全集

詩話梅公鼎革後放舟路河南還金陵集中有答陳百史金豈凡二少宰詩云經時未報故人書河上雙雙剖鯉魚爲念煙波同鷺羽敢因鐘鼓駭爰居虎刀共佩藤花落鄭履分聲水鑑餘但得濟時公等在洋生何必不樵漁蓋其初意不欲再出可見詩以綿密安雅勝集中前三卷皆在明時作語涉朝家字猶密格國初禁網闊略不以爲嫌梅公別有灌研齋集皆雜文見四庫存目而詩集未進呈或卽因此

和王鐵山少司空



長隄漠漠散荒煙，滿路寒鴉噪野田。  
世事波濤舟楫外，中原涕淚酒杯前。  
關河夢斷殘歸鶴，霄漢星迴冷麗娟。  
何處笳音催晚角，牙旗獵獵水雲邊。

同邑有友人過訪寓舍授以二詩依韻答之

棲託湖濬鳥夢遲，且因文酒共支頤。  
蟬慵墨瀋餐雞跖，蛛隱荷衫做鹿皮。  
戎馬歌殘孤劍在，風霜字挾一筇隨。  
山中甲子余空老，慙說柴桑紀義熙。

時艱未易賦巖阿，采采芙蓉覆短蓑。  
話到家山稽客遠，帆吹桑海故人過。  
潭深鈷鋤啼元豹，月落瀟湘冷翠蛾。  
望望粉榆堪結社，扁舟何日醉煙蘿。

五夜余澹心涂次尾及同鄉諸兄招飲河房時大雨

如注經宵不歇醉歸走筆記之

插艾憐時序銜杯共友朋  
可堪今夜雨偏妒  
一年鐙舫靜  
歌聲邈波喧岸影增  
天涯萍聚處痛飲記吾曾

濯瓦研詩

余家有古研得之金陵老友薛更生其世藏也研形五瓣若梅花色如金粟藏經紙中邊血斑翡翠隱起似出土銅卍之作金玉聲細膩發墨亦奇珍矣相傳爲灌嬰廟瓦洪容齋守贛時獲於雲廟左池窾爲研銘以章之語載續筆中辛丑秋日余偶游雩陽考郡邑志益信志云研重十斤刻闕兩角其光沛然色正黃余研光色則同但厚止二寸許重不及十之一二豈後人刻而成器不止余之一研耶

梅花研久伴鐙青  
金質黃流范古硯  
漢代何人尋  
權壘雩陽有志紀  
洪銘方之銅雀歌  
鐘遠潤以玉蝾  
戰血熒珍重  
傳家供翰墨  
毋煩端歛斲山靈

有客

有客談遺事殷勤問往年  
情飛滄海外淚落夜鐙前  
荒塞

聞鸚鵡空山泣杜鵑一尊聊取醉身世總茫然

宋權字元平號雨恭又號梁園商邱人明天啟乙丑進士入國朝官至國史院大學士贈少保兼太子太保諡文康有白華堂詩

野宿

曲水浮天際孤村傍廢城農人星卜夜荒寺磬爲更漁火當空亂風泉入暮清欣然如有託不復念長征

同郭夔一飲北固山

蕭瑟秋聲澗壑哀他鄉扶病且登臺不知老樹何年有但見長江鎮日來四海烽煙還逆旅一樽風雨暫徘徊故人邂逅非容易爛醉無妨卧碧苔

劉正宗字憲石安邱人明崇禎戊辰進士由推官行取

授編修入國朝授國史院編修官至文華殿大學士

有御墨樓詩集

詩話憲石簪筆禁近射闕興亡故詩多感傷之概集中如老婦行對鏡歎皆自況也

在昔

在昔登舟日鬢髮如黑絲解纜西塘側繁霜入鏡垂豈其  
苦奔波有懷空自知川谷遠無梁虎豹踞路歧驚魂怵難  
定夢裏返江涯心折飽憂畏駭浪復無時回首頓三秋電  
光閱奕棋朝來驅羸馬春風面上吹履穿厭冰雪又看芳  
樹枝甯不思遠道遠道力已疲旣老休徵逐往事安可追  
曉日鳴乳鳩燕語影差池大化本無停物理遂所私古有  
赤松遊高踪慕茹芝

濟上行

百鳥皆有巢羣動各有匹艱虞生不辰滿目一悽惻有客  
濟上來爲我述蕩析繫纍鬻道旁云是捷功得初但貴紅  
顏後乃空原隰紅顏供餘歡老穉獲贖直百年生聚地千  
里瀾荆棘朝廷望拊循吁嗟誰失職同是血氣倫不許戀  
蓬華萋楚古有謠相對付啾唧非無東陵資安堵正深壁  
每讀春陵行淚落沾胸臆眼前旌旗紅又向春明出所願  
念瘡痍無使生相失

和天甯寺浮圖歌

高標突兀撐霄碧西俯崑崙東碣石電光過眼閱大千咫  
尺換盡長安陌無風鈴鐸仁傳聲半夜蕭蕭龍象行盤空  
孤鶴棲復驚下瞰螳堙日縱橫寺中老僧去還來佛燈寂  
寂照青苔

老婦行

東家老婦垂白髮樵爨無力餘病骨豈復有意鬪蛾眉坐  
守深閨費歲月却憶當年初嫁時含羞對鏡理胭脂但願  
同心不重色肯學桃李信風吹甯知此意竟難明時移歲  
換天無情翠翹珠襦盡零落閨中甘逐眾人行自解悲歡  
隨所遇紅顏自古草頭露只今幸無入宮如裙布釵荆亦  
已足願將錦瑟與瑤琴一時並寫白頭吟寂寂空房恐虛  
度敢道人新不如故

對鏡歎

少年對鏡顏色好衰年對鏡顏色老鏡裏容光能幾時回  
頭綠鬢成枯槁開匣莫拂鏡上塵鏡明空見白頭早亦知  
白頭不可黑有時白頭不可得窗前槿花換朝榮日暮臨

風已無色寄語少年速爲歡他日歡場徒惻惻百金刀環  
明月輝千金駿馬黃金勒章臺楊柳饒春風醉來光動玉  
臺側不見老翁空歎息

玉芝宮對雪呈諸同官學士

蒼茫雪色澹遙空隱几長吟興未窮別殿不聞來翠輦六  
花猶自舞東風依依苑柳添絲軟寂寂爐灰近酒紅珥筆  
幾人歌瑞靄調高屬和愧衰翁

初度日客過

長安逐隊又三年此日秋光亦可憐詩酒有情禁白髮風  
塵無恙剩青氈浮雲過眼千峯矗良夜當杯片月懸莫道  
鄉心驚旅夢興衰曾見海爲田

胡世安字菊潭井研人明崇禎戊辰進士官詹事府少

詹事入國朝官至祕書院大學士加少師兼太子太師有秀巖集

嘉州留別子弟輩

旋車風鶴際別舸露葭前今夕稱游子春光憶隔年萊庭懷舞綵衡賦欠歸田饗祿非吾事殷勤北雁傳

同雷伯石朱廉水宏善寺觀海棠

精藍叢灌隱南村雙樹還堪止世尊地僻且能辭俗駕春深猶有未醒魂攢紅玉界銖衣纈浮白雲窠醉頰渾誰是前身拈笑侶亂香飄綴不留痕

張文光字謙明祥符人明崇禎戊辰進士入國朝由知縣歷官江南池太道副使有斗齋詩選

吳梅村曰蒼深鉅麗之中具幽渺清微之旨  
山曰摧故發新警語疊見宏開寶之正音拓何李之



遺響

詩話譙明晚而工詩官京朝時與宋荔裳施愚山下  
飛濤嚴顯亭趙錦帆周宿來諸人聯吟合刻時稱燕  
臺七子五七言近體尤勝高亮渾脫直逼明七子自  
序云早年與王覺斯鄧禹峯游始爲詩其才力亦復  
相亞在國初中州  
詩人中堪稱健者

南高峯

赤城縈樹巔橫互捫山腹懸崖多外拓側下深根覆苔乾  
積流痕悵望疑濺瀑陰黑古龍眠風濤生石屋吾欲假巨  
靈一洗寒山玉雷雨封天門永言斷凡俗

宿柳塘

羣鴉飛漸少驅車投山阿茅屋映棕櫚夕陽影婆娑霜楓  
無片葉倒掛青青蘿夜深山更幽門外喧誰何天地方流  
血得非戰鬼多細聽乃人聲縣官自催科揮鞭凌石齒儼

如雷霆過子遺無定魂相視涕滂沱

過青州

海月雲根吐煙林馬首平千年爭戰地萬里旅人行紅葉  
分秋色黃花耐客情豈無傾倒意不敢問青城

觀音閣

孤鳥下雲間長松晝掩關定香醒習夢清磬落空山天地  
客同老古今僧自閒徘徊歸徑晚林月白漫漫

冬日載酒慰趙錦帆去國

作令書千卷爲郎酒一觚浮沉經幻夢老大誤微軀河水  
連天白嵩峯拔地孤中原仍我輩何用泣窮途

仕路人難定憂深夢亦勞主恩原海嶽吏議析秋毫月澗  
魚龍卧雲寒雁鶩高蹉跎甯足問吾道本蕭騷

客歎張衡老人推趙勝先每逢花對飲便覺酒忘年作宦  
心原苦歸田賦莫傳漢家新氣運淪落幾才賢

送季天中秋日東行

千山落日淡高旻萬里秋風促去輪自是聖朝無闕事何  
妨天末有孤臣霜侵列戍猿聲急雲捲平沙月影新我亦  
梧桐花下客至今魂夢愧斯人

送彭禹峯補楚中監司

剖玉荆山孤月明和歌燕市萬人驚交情雨雪猶分袂時  
事西南未罷兵鎖鑰初歸周太保行囊仍似魯諸生當年  
割據渾如夢暇日桃源試一行

湖雨登毘盧閣示僧

辰鐘疑有老龍聽巖壑陰陰聚百靈雲捲浪紋微帶綠雨

蒸山氣不分青瞿曇古刹金輪繡神禹荒祠鐵鎖腥蓮社  
花開容我否好將明月對清冷

後婦行

春華未及實一旦遭風雨離披愧松柏徒然怨泥土霞彩  
燦桑榆莫能蔽村塢鴛鴦七十二賤妾亦爲伍遂充君下  
陳寵愛良難數滅施共燕婉展轉慚無補偃蹇任侍兒慙  
懃通保母區區自束縛鬱鬱不得語獻君一杯酒願君千  
萬壽甯爲薄命妾難爲再醮婦敢告後來人初心安可負

聞僧話浙東山水

白日銷兵氣青山無廢興風雷歸禹穴星月出嚴陵峭壁  
遙懸水長松半挂藤休糧山自好定力服高僧

江干雪望同玉甲飲

雪積潮門二月寒江天萬里畫漫漫雲深鷗鳥迷沙樹水  
靜漁舟泊晚灘桑海他年空涕淚風塵吾黨尙彈冠春光  
未老梅花瘦悵望高空醉倚欄

飲泗州譙樓

迴合山光入望虛淹留杯酒意何如雲深古木藏金刹雨  
過諸陵冷玉魚楚國久傳烽火地漢家誰上治安書可憐  
河畔青青草白露西風鴻雁呼

酬彭燕又

流鶯遶樹午陰清好客臨門舊有名百戰中原高壁壘十  
年東海少逢迎吹殘夜色憐羌管銷盡南薰付論衡幾度  
讀君春草句蕭蕭風雨晚潮生

殷岳字宗山號伯巖雞澤人明崇禎庚午舉人入國朝

官睢甯知縣有留耕草堂詩

朱錫鬯曰先生爲詩自魏晉下屏不觀尤不喜律詩謂徒費對儷無益性情故平生所作惟五言古風一

體莽莽然

肖其爲人

詩話宗山令睢甯未一載中鳧盟作書招之卽投劾策蹇布袍阜帽還里築草屋三間與鳧盟往來唱和磊落使才無一凡語磁州張上若寄詩有云飲饋猶嫌水臨風欲棄瓢千峯供杖履一代見漁樵可以想見其人矣

讀史

盲頓縱鳴鏑何有乎婦翁齊虜窮計畫和親苟彌縫白登帝膽落事急聊相從官家屈體貌四國少顏容貽謨累風俗邊鄙詎偃弓若淮陰而在不當歌大風

人言父子親安知不爲虎猛獸惜其維步步生咻噢漢武好神仙方士正旁午志慮旣回惘讒夫耦二五齒牙之爲

猶荼毒於楛柝隸臣銜尊命兩官無靖土以子盜父兵苟  
圖脫罪罟九服無逃命望思亦何補

霜雪何將將日月皎光明鉤弋不可活奉車托微誠以是  
藐諸孤一旦寄阿衡朝舊擢純篤攬轡見澄清帝星驚流  
電桐宮覆典刑公孫病已立草木亦知名世運惟蹇軻幸  
濟以忠貞妻孥怙烜赫得失苦縱橫禍福有所常操存舍  
則亡

聖人無常家一龍而一蛇仲舉獎王室名賢蔚東華相與  
張天綱抗節觸奸邪當時王路險駘銜覆奔車庶幾無道  
愚踣頓貽咨嗟

亂門不可過懼以傷吾行亂世不可入懼以戕吾生袁閔  
憫先祚覩變於未萌蕭然對環堵獨立遺世情弟昆競驕

僭與時爭權衡甘爲所凡愚囊括守其貞漸冉十八載行  
者無埋名

太阿不在掌神氣積苦窳周德旣已衰子孤失其敘羣雄  
橫意氣鼎隧啟納侮玉步猶未改王章尙撐柱胡然晉大  
夫一旦薦茅土葛藟庇本根况乃縱尋斧名器苟不存其  
他安足數

禮者國之維民者載舟水暴秦虎狼威流血被九軌侈功  
蓋泰皇一家天下始猛氣隕沙邱難從一夫起七廟墮飛  
煙旦暮殄宗祀亡秦楚三戶弧矢安足恃

歛雲駕飛龍真人屈羣力扶義西入秦始皇定三章約眾爭  
走金寶何獨收圖籍一軍驚大將關東可傳檄借箸請前  
籌詎復有遺策寬大帝王模要在識人傑一增不能用叱



咤徒虛喝

仲事家人產阿溲老農兒福與禍相倚澤麋蒙虎皮江湖  
錯襟帶儼爾錫介圭鹽鐵卽山海爲問自何誰不思底木  
根乃欲披其枝孽匪降自天六豎同蚩蚩鸞雖由博局几  
杖失之慈

謀國如搏虎噍血滿朝市衣裳自顛倒于錯安足恥袁絲  
炙轂輶魏其狂風旨條侯真將軍自茲多積毀嗟哉天下  
事認真亦徒爾

唯則可定國婦願亦何極一子爲天王一子分桐葉寵宴  
隆私恩誤信千秋約收犢不顧車盍且翻日月福薄不知  
載隕身竟何益

革心舞干羽革面血標杵漢武勤遠略八荒無甯處郊祀

歌天馬祖禰詫宮呂奪我燕支山庸有利乎女夜郎買菟  
齧間使出深阻靡敝憂鬼神四廟無餘祐輪臺下尺書不  
者亡秦緒終漢無外擾尙論所節取無德易以亡聖言久  
淪胥

周公負成王弗陵踐天子高卑旣已陳旦夕遵塗軌小人  
追喪軀截趾而適履刺侯生蠶隙上書恣詆毀將軍謝免  
冠少帝燭奸詭牆茨不可掃婦人安足恃

遠略不可勤眾狄不可速老臣數軍實遂上便宜策留屯  
飭武備居民并田作罷騎省度支致穀著威德羌眾以崩  
離我師過枕席當時訟盈庭便支多勾棘如彼九牛尾度  
越烏從測

伏波天下士遨遊而擇主真人峴東方濶達符高祖旣見

一乃心披帷籌二虜聚米爲山谷指畫同目睹八區尋大  
定奇坊勒銅柱後世訟神人譚言中繩矩古道不可期宵  
人譚市虎

太姒殊風軌徽音不可屬伏波有小女臺臺多儀則正位  
長椒宮揅然加謹肅裳衣大練裙無所於緣飾建初爵諸  
舅危言念傾覆樂以貴人下知於身取節先臣遺家訓天  
姓光竹帛維先之以善後乃報其德

道隱禮爲基世亂聖人生仲尼駕奔車誰復覩未萌延熹  
皇路仄雕琢名士傾購募同寇敵使出車交并號咷日月  
黑榜掠血肉橫柏傷竹亦枯歲寒失堅貞當時箕穎濱可  
尙光遺榮

孤貴易失和露才亦瀕危當時賢智過抗稜長風規載禍

日相餉幾令無子遺林宗步高衢尙志不繁詞敬遇貴賤  
士壹之以坦夷明哲保其身可奉以爲師

登岱

石蹬躡高危仰見日觀峯赤丸湧滄海星河淡遙空天雞  
發先唱聲落野雞中俯視羣山巔風色初冥濛

十載上太華春仲陟嵩高希夷夢未覺子晉笙簫刁平眺  
西南雲駟車列旌旄升茲玉女堂勞之以香醪

徂徠列前楹濟潔灑衣帶眾山皆俯伏儼如朝王會明堂  
不可復漢秦失驕汰惜矣大夫松徒增後人慨

客官渡除夕詠懷

世故纏牽長御之無其道我非好貧賤禽鹿終悅草擔簦  
糜歲華幽谷窮探討古人於隱淪稱心以自保

程正揆初名正葵字端伯號鞠陵孝感人明崇禎辛未進士歷官尙寶司卿入國朝授光祿寺丞累遷工部侍郎有青溪遺藁

王漁洋曰唐宋元明以來士大夫詩畫兼者代不數人約畧舉之唐則閻左相薛少保王右丞鄭廣文韓晉公宋則蘇端明文湖州米海岳王晉卿李龍眠元則趙承旨倪雲林明則沈石田文衡山萬厯中乃有董宗伯思白不啻軼前人而上之先生晚出兩俱擅場詩與畫皆登逸品蓋唐宋以來所不數見也張浦山曰端伯善山水初師華亭得其指授後則自出機軸多禿筆枯勁簡老設色濃湛嘗云北宋人千邱萬壑無一筆不減元人枯枝瘦石無一筆不繁其言最精工書查梅壑云昔人論書既得平正須追奇險青谿得之矣

詩話青谿詩如訪夏振叔山居云過雨草迎立將秋山待眠畫枯樹云具有支頰意其如委壑心莓苔封傲竹霜雪助寒吟思旨清迥其間頗多纖仄不盡清音

己亥江行



暫息一回首幾箇能消此日閒

題畫

絕壁倒飛千尺雪偃松高卧一溪風誰家好傍此間住定是青溪無事翁

戴明說字道默號巖犖滄州人明崇禎甲戌進士入國

朝官至戶部尙書有定圃詩集

詩話定圃出夏峯門下詩沈鬱精堅爲芝麓所稱許又工書畫蓮洋有題定圃畫竹詩云湖州太守貧方善協律郎官老更工惟有尙書最尊寵閒中寫出葛陂龍

西沽

長風搖海氣日在大河西詩老驚駝背途窮妒雁泥柳營村牧避桃口曉沙迷誰寄文房夢河間認舊溪

題王西樵年丈小像

鹿砦今將問能封草徑無嶽搖驚句老月定愛禪枯爾我  
千秋外曹劉一代孤平山遺落照莫誤洗桐圖

趙開心字靈伯一字洞門長沙人明崇禎甲戌進士官

御史入國朝官至總督倉場戶部侍郎加工部尙書

詩話靈伯居官負直聲順治初疏言立政之始一事  
之得失關係天下萬事之利害語甚切至又因朝臣  
屈事睿親王請定儀注舉朝憚其風采三長御史臺  
屢性不稍屈詩無專集傳錄甚罕詞意疏爽可想見  
平生

山行卽事

歷徧崎嶇徑峯巒總不羣馬驚穿澗水樹款宿山雲怪鳥  
名難識幽花路未分隔溪樵子唱一曲遠先聞

暮春吳園次招同石仲生戴滄州龔芝麓集吳船

不涉風波似隱淪岸桴今共集賢賓花飛夢尾知春晚雪



上鬚眉信老真幾日欲陳休致疏百年難得稱心人論交  
漸覺晨星盡慷慨杯中不計巡

李士焜字用積號又白任邱人明崇禎甲戌進士歷官  
山西河東兵備道副使入國朝歷官浙江布政使署  
巡撫兼漕運總督有麟篆齋遺藁

答王敬哉宗伯

投閒賸得栖山居節屆朱明麥秀初花底飛觴千日酒客  
來問字一牀書青藜依閣吹光遠白鶴歸巢帶雨餘高卧  
北窗聊避俗何須清夢到華胥

程康莊字坦如號崑崙武鄉人明崇禎乙亥拔貢入國  
朝授鎮江通判

詩話崑崙崙工文爲陳大士羅文止楊子常所交稱在  
鎮江攝大營理事官治訟不少偏民甚賴之公餘與

諸生賦詩論文無虛日嘗在都  
與王漁洋宋荔裳諸人相唱和

陳壺嵐

壺嵐曠周旋十春謀一面網戶傾陳醪掃徑通幽彥山色  
棲城頭長河淨如練邱壑滿胸中浮雲豈能眩

姬相周

姬公方下士返駕更延賓登山倚積墨衣敝不重陳春城  
羈旅客遲暮但經旬二子遠來謁翛然同避秦

申葵衷

申子寒氈破龕壓逼畫屏迎賓無雜座賃屋半疎櫺始交  
若有契坐久更忘形獨謂吾詩老終當託汗青

武君十

君十愛棲遲銜觴事林壑俯視塵土腥亡簪茹藜藿關我

匪繇天板纏聊見薄剩有素心人同期馭鸞鶴

陳吾青

吾青既藏輝輝裘傲舌亦禿獨念王子房經天望東哭當時  
英雄人潛聞何太速不如飲美酒逸光向幽獨

龐鳩六

鳩六屣履迎投轄苦不早下榻雖未成所感在懷抱竹籜  
時寫書開樽驗花草相契已忘言鴻名永爲寶

石泰華

泰華恩感人豁達吐懷素累觴求一醉情神與之赴顧見  
日將昃風塵漉廻互常恐促歡節酒向西光妬

武二酉

二酉富詩書搴芳眇流輩蝸舍取厨烟隨堦有餘態共友

檢農皇曬藥松陰背卜築本無塵丹砂有時配

劉友光字杜三攸縣人明崇禎丙子舉人入國朝官沙

河知縣遷行人有懋嶽堂詩略香山草堂正續諸集

詩話杜三早歲師吳梅村而詩不效其體與譚友夏游亦不墮彼法悽切婉秀善於言情自謂十三始學詩隨趣屢變如雉入海爲蜃不復知翔林薄巢垣屋之娛蓋以遭逢離亂故其言如是

寄舊令朱漢臣

蓮勺秦時月水色碧於玉中有焚魚人臨軒濯雙足蘭芽  
宛中央妙技能刻鵠溯洄望蒹葭淒愴亂心曲我有一畝  
宮三徑殊局促君昔抱琴來親見山水淥桑麻藹輪躡簫  
管轉華燭桑扈託晨風翱翔啄我粟墉壑何蕭條蠶盆亦  
不浴丁男鬻已盡寡妻猶岸獄安得舊雨來擊鼓洗桎梏

秋陰寄王山長

一寸心中地容憂竟萬端樹涼蟬命促蟲苦蓼陰寒蒿里  
觀狐穴桃花忤釣竿夢中師竹在落葉滿長干

寄方密之

家破貧非累憂深寇未平避人空下淚絕口不談兵桐向  
秋辭碧門臨溪轉清月明思汝別舞袖徧琴箏

將入閩寄故人王而農

飄零吾久矣離亂欲何之愁絕遙天暮哀餘斫地悲南音  
同在耳西爽獨支頤相見情無限何能盡所思

丁景呂南游索書與梅村師聞師連舉三子卻寄

哀緒三眠柳漸酣綠經江北更江南門餘三尺淹留雪野  
墜同時痛哭簪貧已無家依獨樹春猶遣興到雙柑門生  
老去諸兒稚醉後何人可舉籃

輓畫僧采石

黃金鎖斷薰風起青草年年面上生最是春來無限憾杜  
丹深處哭王耕

陳之遴字彥升號素庵海甯人明崇禎丁丑一甲二名  
進士入國朝授侍讀學士歷官宏文院大學士有浮

雲集

吳仲雲曰相國機智敏練嫻習掌故一切時政因革  
釐定俱出其手後以建言獲咎謫居瀋陽旋召還直  
宿衛又有言其與中使往還者復下請室全家謫戍  
歿後五年夫人徐燦始得疏請歸骨 鄂漢儀曰倦  
圃問塞翁曰江南有三大家吾浙屬誰塞翁曰海甯  
相國共一倦圃深以爲然其詩雄渾清壯固堪建幟  
壇詞

詩話素庵子容永爲吳祭酒女夫梅村詩所謂一女  
家破歸間關良人在北愁戍邊者又有贈遼左故人  
八首爲素庵作也浮雲集詩十一卷詞一卷自序康  
熙丙午書於旋吉堂兩浙榷軒錄解刊有旋吉堂詩

草蓋誤集  
中七律才情  
颺舉實過梅  
村燕京五言  
百韻減概興  
亡尤稱瑋製  
前人選本僅  
采一二小詩  
殆猶多諱  
忌也

高粱篇

高粱橋下春波綠朱城鰲鰲銜朝旭大道東連紫禁開晴  
巒西映金隄曲榆燧千家火乍收柳絲萬縷春初足龍馬  
銀鞍車似水貂蟬寶蓋人如玉玉人調笑倚餘醒紅粉青  
娥擁出城新聲瑤瑟惟愁和高揖金鞭不問名俱攢翠幃  
紅塵暗共指芳園畫閣明芳園畫閣春常羨繡戶璇窗人  
不見經年花草任榮凋一日笙歌恣遊讌桃李枝頭日欲  
斜雲軒今夜宿誰家十三學舞矜迴雪二八憐春歎落花  
落花轉眼飄芳甸且喜芬非舒未遍寶帶難輸松下心輕  
紈先送花前面北地脂開笑靨嬌南都黛發修蛾倩子夫

未入合歡宮，昭儀猶給陽。阿院陽阿車，騎日優遊錦障經。  
過盡徹侯此日鶯，花嬌紫陌此時絃。管滿皇州皇州自昔  
多豪族，燕臺爭擊荆。高筑任俠宵，排紫闥。通冶遊朝擁朱  
輪，簇劉生紫劍。劍千金，石氏綠珠珠一斛。中涓駿馬大隄  
頭，玉勒雕弓翡翠裘。秦官舊領中車府，漢官新拜大長秋。  
亂拋金彈垂楊外，列坐瓊筵綠水周。垂楊綠水淹留久，鳴  
珂倏忽雷霆吼。聲勢能移北斗杓，威靈欲喝西山走。張孔  
紛紛競拜塵，誰人白眼惟呼酒。呼酒狂揮換賦金，蘋香花  
霧滿高吟。君王已歎凌雲氣，樂府爭傳郢雪音。別有傷心  
春草碧，彩筆紅顏兩相惜。不見當時墮珥人，難逢前度援  
琴客。可憐今歲春光早，可惜明年春更好。幾度歌鐘丹鳳  
城，千迴裘馬青樓道。歌鐘裘馬日逡巡，寒食東風萬古塵。



惟有溶溶橋下水年年流送御溝春

春雪篇

長安二月春初好舒紅裊綠青樓道七成寶帳夜微溫五  
出霏霏點芳草斜舞瑤空已半融薄鋪玉尺無須掃綺樹  
俄添淺素輝羅衣漸覺輕寒惱淺素輕寒劇可憐迷離春  
望惜春天低侵春院長兼雨遙集春山半帶煙入夢每傷  
鶯喚後懷人多在燕來前尋芳畏濕蓮花步對景慵聯柳  
絮篇柳絮渾如蕩子情紫騮當日踏花行鳳凰城裏雕輪  
度鸚鵡洲邊晚棹橫此時見雪還相憶此際看春轉自驚  
雪想玉容臨寶鏡春隨纖手入銀箏春雪春風幾朝暮春  
花自戀瓊臺樹妾恨甯如雪易銷君心願共春常住冷霰  
先欺元菟城陽和不到黃花戍夜雪金鑪共夕香春游莫

向天涯路

僧持黃夫子書來盜投諸水

夫子淹梁獄書郵藉老禪字珍宜誨盜言潔合投淵肝膽  
蛟龍得精神鯉雁先不將持告密猶歎勝時賢

甯遠

先子曾持節賢王復建牙安危身並繫興替事空嗟蔓草  
埋殘堞陰風捲亂沙尙傳餘部曲扶義赴京華

燕京雜詩

幽燕都會歷元明九鼎遷來自舊京天子待邊常自將通  
侯出塞幾專征南包百粵開荒服東引三齊遠大瀛誰使  
金甌終缺陷赤眉青犢滿都城

未歌玉樹已亡陳不築阿房亦覆秦一族卒然揮白梃九

州強半著黃巾求爲黔首悲龍種別有蛾眉辱馬塵痛憶  
文皇南下日大廷幽谷盡忠臣

盡剪諸邊賊算深一宵風雨忽南侵翻城虎旅元牙爪揖  
寇貂璫總腹心黑眚蚤從三殿出黃纛頻障九天陰卜年  
亦擬齊周曆洛鼎安危匪自今

中人戚里競豪華勳爵重封幾世家十萬買春燈市酒兩  
行照夜玉樓花忽驚流矢叢丹闕尙有鳴珂導錦車元武  
岡頭霜樹色年年寒食弔羣鴉

神宗中葉久熙康龍戰元黃在廟堂從此羣公輕國恤終  
令劇賊亂天常八鸞晚出金隄月五鳳秋蕪粉堞霜莫歎  
簪紳刀俎盡鼎湖遺憾杳難償

烈皇亦是英明后辛苦興邦反喪邦南渡有臣曾死諍西

征無將不生降鵲枝血灑春宮六龍馭魂歸夜闕雙差幸  
孝陵弓劍地寇氛猶自限長江

片石纔看勒漢銘幾番烽火照彤庭腹心未見恢河套肩  
背何緣割大甯千帳美人歌夜月四郊殘鬼哭秋星高皇  
頗有都秦意遺恨當年失地靈

中書罷省啟文淵閣老仍專宰相權非少蕭曹扶漢日終  
如牛李亂唐年荒陵石馬寒風裏廢沼金鳧落月前行過  
黃扉長太息虛將誤國恨中涓

他時旄節總書生軍覆潼關國已傾造膝主臣徒對泣同  
心兵賊久輸平猶馳鐵券封諸將虛擬銅車指舊京聞道  
榆林俱鬪死至今燐火遍荒城

安定門西舊教場朱旗元纛歲翱翔風雲尙想團營壯狐

鼠多從禁旅藏沒馬亂蒿迷廢壘驚人斜雁起廻岡霜前  
北望松楸少千里平蕪落照黃

芳湖西遶夾城隈翠輦龍舟昨日來波黑夜腥秦苑血風  
黃秋捲漢宮灰朱楹繫馬肥瑤草錦袖呼鷹下玉臺何處  
如雲行十二洗妝樓上鏡重開

朱城繡嶺接西山縹緲花宮紫氣間塘上水嬉陳百戲樓  
頭春望出雙鬢干戈滿地天方怒臺榭無人月不還惟有  
金魚池畔路三春遊馬暫廻環

秋日偶成

幽燕東北古營州亂磧驚沙起客愁萬里關山重出塞一  
天風雨漫登樓吟詩每共哀簫咽伴老空憐短劍留昨上  
荒原醉萸菊蕭森滿目故園秋

度遼車騎幾縱橫  
虎帳龍旂止將營  
草木千年含殺氣  
鼓笳終夜作邊聲  
猩紅嶺外要荒盡  
鳴綠江邊障戍平  
聞道公孫曾據險  
一時海外自成行

白露初零玉漱葭  
商聲蕭颯動京華  
初蘭佩冷三秋客  
宴菊杯喧七貴家  
深殿鳳笙留素月  
芳湖龍舸蕩明霞  
只今紫塞金風裏  
纔熟東陵五色瓜

三山遙對鳳凰臺  
臺下寒江去不迴  
霜老白門秋寂寞  
月明青蓋夜歸來  
金蓮曲院誰人見  
玉樹穠花異日開  
猶憶烏衣諸貴客  
艱難非乏濟川才

人物江東故不羣  
劍花詩草日紛紛  
淺深秋水扁舟月  
遠近寒山兩屐雲  
越絕書探瓊笈古  
吳趨歌送玉杯  
醺卧遊此際看邱壑  
似有松聲靜夜聞

擾攘東南戰伐餘，櫜弓歸馬竟何如。  
斗牛一夜纏兵氣，吳楚同時急羽書。  
江黑怒鯨噓浪立，月黃驚雁墮雲疎。  
五湖釣艇今安否，猶自尊鱸興未虛。

白狼河上望京師，皎月清霜共此時。  
七萃旌旗長繚繞，三朝劍珮自委蛇。  
伏波銅柱成功易，橫海戈船獻捷疑。  
南國餘黎供上切，輸將爭恨役車遲。

嶺峴古戍倚層邱，冰雪長凝萬古愁。  
天接燕臺勞北望，水趨遼海羨西流。  
三更夢破孤城笛，六月寒生久客裘。  
醉攬短衣隨羽獵，呼鷹馳馬一銷憂。

胡爾愷字石江，長沙人。明崇禎丁丑進士官太平推官，入國朝薦舉山林隱逸，授吏科給事中，官至禮部侍郎。有且耕堂集。

小孤山

香國浮人境，歸然絕眾援。碧環千浪影，青立一峯痕。有徑堪僧住，無蘿許客捫。相看姑緩棹，望望入雲根。

邊大綬字素一，號長白，任邱人。明崇禎己卯舉人，官米

脂知縣，入國朝，歷官太原知府。

詩話：長白，明季宰米脂，被檄發，李自成祖墓及自成陷京師，其將執長白及其孥，檻車送自成，會自成敗，走倖免。長白撰虎口餘生錄，紀其事，後起知修武，擢守太原，察吏綬氓，頗著政績。

過方山

三十年來歲月虛，偶因烽火過禪廬。白雲不斷人行路，消受松風一夜餘。

王岱字山長，湘潭人。明崇禎己卯舉人，入國朝，官澄海知縣。康熙己未薦舉博學鴻詞，有了庵詩集，且園近



詩浮槎溪上草堂諸集

詩話山長能詩文兼工書畫以氣節自命少客金陵  
卽有時名及與王阮亭施愚山高念東諸老游文潛  
益大起詩不似繩削脫去前人畦町

贈汪魏美徐蘭生兩隱者

西山有靈隱松桂生巖扉二老采薇久十年來市稀駐顏  
留黑髮飲憾著麻衣一倍悲歌發斜陽慟哭歸

夜坐

蟲語驚寒夢颯然山夜深遙鐙隔溪隱殘月過庭陰野哭  
多新感林秋識舊音年來風物異不但客傷心

永州道中示易無畫

松影碧搖搖無風亦自濤寒花隨澗落細路入峯高雲動  
低依客煙深遠唱樵嶽青九面外此地足誅茅

寓劉儲升江樓

出山猶勝住山幽爲愛君家江上樓  
風送岸花粘客袂雨來煙嶂壓行舟  
遙峯入幕青無已野水平天穩不流  
獨有海翁機事絕朝看沙鳥暮浮鷗

孫廷銓字道相別字沘亭益都人明崇禎庚辰進士官撫甯知縣改監紀推官入國朝官至祕書院大學士

諡文定有沘亭集

詩話文定生平雄於文所著南征紀畧漢史億顏山雜記諸書皆以古雋之筆上掩前人於典試關中時訪求王端毅嘉謨懿行詢李空同康對山王槐野諸賢之後勲勳披討傳播一時其詩不多存然古體則出入三謝近體則駢駕錢劉華而不存質而不俚雍雍乎曲江風度也

秋夜和王似鶴考功

清宵哀角靜巖更睥睨高懸列宿明  
幾日風煙歸夢闕一

城砧杵客心驚黃金難信劉中壘白眼堪嗤阮步兵悵望  
紫宸朝散後晚鐘時度枕函聲

還山吟

守道在無爲吾自厭吾拙解佩及茲晨還山聽烏鳩世態  
逐嬋媛進止心欲折欣此素商集緬想緇塵歇逝將尋舊  
侶茅屋陰崖結暝色下巉巖蒼然立積鐵林深倦鳥集谷  
靜涓泉咽夜涼四山空雲卧逼天闕捫蘿想幽人弄簫遲  
山月

真氣蕩喧濁僕僕爲形役一器而眾操安得不速敝古有  
避俗翁神釋私其智感此偃空山息機良匪易朝飯林下  
曙夕宿巖中閱暑氣清林巒洒然出新意側思聲利途惴  
惴魂猶悸且逐采芝遊野服安薜荔

高爾儼字中孚號岱與靜海人明崇禎庚辰一甲三名  
進士入國朝官至弘文院大學士諡文端

送倪相如先生之任營邱

難將好雨挽干旌一片濃雲似別情  
鵷幾層遮望眼廉纖祇自送春聲  
淵明祿薄原如寄司馬才優豈市名  
百里可能煩卧治瑯琊從此播餘清

李森先字琳枝號灑石平度人明崇禎庚辰進士入國

朝歷官御史有椒雨園集

詩話琳枝儻英偉在臺直言侃侃以劾涿州相語  
過激罷官旋復起按江左劾罷貪吏捕治豪家能舉  
其職至蘇州逮名優王紫稼與僧三遮同日斃杖下  
諸文章鉅公以詩翰寵紫稼者未嘗不頌琳枝風節  
旋中蜚語急徵入都吳民攀送者至數萬事白復命  
察荒中州賦定而民不擾素豪於飲興酣落筆風華  
高朗如其爲人

游大澤山

九年未上九青巔清夢時時巖壑前絕巘芙蓉終不改幽  
巖松枯故依然風驅礪底雲歸駛雨洗峯頭月到先是處  
色聲皆舊侶狂歌甯禁酒如泉

立春前一日漫興

曉夢旅心驚流鶯乍試聲披衣寒尚在攬鏡白初生游屐  
郊原滿行吟官舍清始和應有令惟念爾民耕  
鴻雁江干集鯨鯢海上稀波光明宿霧花氣靄朝暉濟世  
心徒熱藏身願已違何時尋舊侶攜杖向巖扉

雲間餘清亭

徙倚官衙月正明尙餘寒柝在高城空庭積水松陰亂小  
閣張燈夜氣清賸有黃花隨地滿那堪白髮向秋生故鄉

海味何曾減，殊笑鱸魚浪得名。

登蘇門山嘯臺

嘯法如可學，嵇生病未能。從來君子獄，誰不愧孫登。

梁以樟字公狄號鶴林清苑人明崇禎庚辰進士官商

邱知縣有印否集

詩話鶴林年八歲讀書家塾中值壁裂歌曰壁猛裂龍驚出其父大奇之登進士命試騎射同榜人多不習鶴林獨躍馬彎弓矢三發的應弦破觀者歎異流賊陷商邱全家自焚鶴林受重創不死脫身南走隱居寶應躬耕自給築忍冬軒日與張班閻爾梅王猷定劉純學等劇飲高歌以著書講學爲事詩多變徵音之

安東道中

小邑連滄海，耕桑有萬家。鹿瞳齊麥秀，龍尾護隄沙。要害分秦郡，神功控禹槎。覽圖思黑子，建革感星華。

黃雲橫百里落日大河隄謠俗分南北江山割楚齊人家  
蠶月近海徼鹵煙低膏雨勞田峻旣旣服犢犁

盱眙道中

都梁西下路雲草望中繁積石螯山郭孤城抱水村江峯  
屋半赭野火樹同髡湯沐餘殘邑難從耆舊論

清明日雨北奠感懷

飄零華表處令節忍思家萬井龍蛇雨三春杜宇花禁煙  
猶冀北宿草已邊沙椒醕南天土乾坤淚眼遮

送王于一移家秦郵

雨雪關河路誰驅妻子行百年猶念亂吾道此孤鳴草木  
荒中壘江山老步兵蒼茫璧湖水莫辨鼓櫓聲

送祈永還山東

獨蹇黃河路風埃賦北征龍沙團日氣雁陣度兵聲海塢  
耕煙遠山城哨火橫知君年正少終有棄繻情

西湖雜興

尺幅西陵地偏增旅話長暮笳鳴戍火曉角動星芒馬飲  
殘湖水螢飛故苑牆只餘圖畫裏孤笠弔斜陽

登韜光庵

四山青欲下眾樹密難名時有竹光入遠聞泉水聲  
石子落猿挂翠微行對境忘言說元情去復生

白鹿泉

陟險尋源入危橋石齒連老梅猶礙日野鹿不知年壁絕  
山精隱泉甘藥草鮮夕陽歸路滑人影亂楓前

與馬習仲話有贈



滅燭捫心語風吹古大河壯遊薪膽盡兵法鬢毛皤匹蹇  
衝春雪危樓坐綠蘿同裳人幾在愁聽漸離歌

歲暮望大兄不至

薄暮交游盡殘山老弟昆漂搖羽尾急跋涉脛毛存落葉  
辭荆樹荒雲守蕨根暫歸猶勝客敢作故鄉論

于一避亂盧家堡來晤因得聞江上信

念亂憂方大披荆爾忽來乍詢家室在初諗甲兵回海嶠  
風秋勁蕪城門晝開秣陵雲氣好重上射陵臺

晚宿越城

停輶問土俗躑躅越王城古月移前壘荒風宿鬼兵燎衣  
殘竈火擊柝遠河聲午夜看星氣晨雞或肯鳴

秋日鑑湖留別萬履安諸子

賀鑑祠前酒一杯霜楓千里夕陽迴江山白髮歸人遠杵  
白西風過雁哀許劍幾人同夕社埋雲無路哭荒臺時違  
重惜衣冠別肯使秦庭片鐵灰

集漢陽王懷人亦世邸中

楚水雲荒過雁聲檐花細雨落蕪城同裳昔日猶僑札異  
國人間幾弟兄夢斷衡陽天一握話殘檣杌燭三更無端  
翠袖扶殘醉淚溼湘娥未忍傾

馬之瑛字倩若號正誼桐城人明崇禎庚辰進士授陽

江知縣入國朝歷官兵部主事有秣莊集

方植之曰正誼詩五言佳處出入陶杜淡語愈濃淺  
言彌深七古多陳時事氣體豪駿極似高達夫七律  
導源朔川東川而黍離之音多與梅村

翁山定菴相近同時諸公未之或逮

詩話正誼爲令負幹畧多惠政如諭降李化鯨黨墾  
荒均賦諸事皆卓然可稱者好爲詩多至萬首深自

矜祕不以示人歿後其家人始哀  
漸之故當時詩名反爲官聲所掩

金陵懷古

建章宮樹晚淒淒木末亭前積甲齊  
狎客詩成新綺閣相公吏散舊沙隄  
晉人遺事多江左李氏家聲墜隴西  
冷落狹斜諸女伴采蓮不敢到青谿

空階

空階何所有露白草蟲鳴  
只種數竿竹如兼萬籟聲  
孤煙隨鳥起遠樹共城平  
無限南樓興還愁月不明

赴鄧東之飲

雪晴方欲出之子適嘉招  
寒燒回芳草新流及斷橋  
好游窮楚時念亂述吳謠  
身世紛多感全憑一醉消

瀨水行

詔書重起東山卧門下何人弔復賀果然富貴履危機未  
許春秋功覆過侍直纔回身忽收謗言日至因杼投試看  
械繫同齊虜漫道聲名動右侯當誅臣罪何辭死巢破惟  
愁卵亦毀鶴唳華亭憶故鄉犬牽上蔡悲公子上前陰中  
亦何爲天道神明自有知枉將削地誅晁錯正爲求田殺  
魏其請室呼冤猶飢麟上書誰敢求歸葬願將尸諫悟君  
王桐棺三寸城南墳

答無可

軍府迎降先署狀仰視飛鴻劇惆悵彥回名士壽偏多子  
卿足下歸無恙故國千峯可寄家兜鍪原不如袈裟金陵  
舊恨空沈鎖宰相新隄自築沙國成誰秉邦離析黨禍亦  
由君子激林宗何必獨仙舟賓碩誰能共複壁烽煙幾載

歷江湖萬死全憑佛力扶  
游子尙堪依母隱  
仇人俱已伏  
天誅素心自指井中水  
任是波瀾風不起  
入社何妨有白衣  
誤人不信皆青史  
我亦雲林學駕車  
風流翻令業因加  
爲語山靈休見拒  
從君還一轉蓮花

贈林道生

束帛頻頒未敢違  
江南客久亦依依  
名山有願還重起  
故國無家只暫歸  
日下舊游多豹褻  
夜中交儆失牛衣  
秋風試陟高邱望  
城郭猶存待令威